

忠雅堂詩集

藏園詩鈔

戊戌

鉛山 蔣士銓 辛丑

出門

一院襟花發主人方出門園林過夜雨
木被新恩念母增心痛牽孫拭淚痕
登車礪臣節不敢說銷魂卅口無生產
支持託病妻芳園可延佇虛幌罷悲嘯
已懼才華謝烏能骨肉携誰憐梁孟老
分啖一黃齏仲子持門戶書燈尔獨留
三年鑄經史萬馬避驂騑且復遵師訓
如何解母憂寄聲鍾伯敬謂西樵孝廉聊与極天游

伯季捲書隨蓬牕。研席支游踪。双蠟屐家具一毛錐。
聖代崇文治。經生及盛時。春江好風日。開卷各尋思。

風信

汀草迴青水綠波。辭家爭奈別情何。江流急欲趨
揚子。風信顛猶托孟婆。解破烟濃雙斥堠。能勝雨
重一漁簑。隣舟最喜邀求仲。謂袁順之共飲新篘碧
似鷺。

樵舍

夢裡乖龍長逆鱗。妖烽枉自隕迷津。李嚴女尚知
兵禍。羅藝妻難絕叛臣。題畫詩拋苔徑滑。表忠碑照

墓門新如何竟死樵人舍一岸蘆花是鬼薪

吳城

寒雨真成夜入吳宮亭新漲簾紋鋪銅鞮曲醉懷
金估画舫倡圍解珮姝公瑾營邊馳水馬睢陽廟外
集神烏通都食貨由來重應許添祠范大夫

夢登天中樓

雁齒雙懸百尺梯好風吹我獨攀躋隨肩北斗斜堪
倚接武浮雲上與齊膚寸羣山分界畫勻圓裨海
散封提去來今裡蒼茫極俯視塵沙一雪泥

守風南康懷熊鶴嶠先生

言停落星渚却望匡廬岑微而自朝暮白雲時淺深山
中讀書客天末懷人心矯首發清嘯獨為鸞鳳音

開先漱玉亭

羣龍愛山居得閒即奔舞岩藥偶失局驚鍊奪
門戶我來水精域坐與雷霆伍寒蛟不能冒絕壁
字可數飛湍擣虛潭晴雪劈空吐既落九走坂初
飄然前辭弩駭面雙劍峯割裂萬雲縷其源遠莫
測兩瀑若垂乳委蛇併一洩厚地失其土如聚金剛
力共擊甘巖鼓山眉洗益壽石骨浸其腐分支入江河
接涵溉農圃小別卅二年照我湏眉古欲借諸峯泉

散為天下雨

三峽橋

五丁劈鑿餘勇不可過。揮斧匡君廬。地輪乃
一豁。函谷失其守。鴻溝竟遭割。愚肩已破碎。媯煉難
補幹。豁空區奔雷壁。陡排峭閭獸。牙不利。陣寫
力劍拔。神幢倚金剛。佛座湧菩薩。姦或來窮鬼。
或聚羅刹。黃河失故道。天漢落深轄。穿貫豁研中。
猛力恣騰跋。遮欄或稍留。挫扼愈跳脫。擊空成絕叫。
觸險爭倒喝。濡尾囚冰狐。灌頂死旱魃。束之遂并赴。
障之乃四達。水威挫益雄。石性煮逾辣。誰能移柱砥。孰

敢用鞭撻老僧留客坐淪茗解枯渴墜淵神自全出峽
偉猶活目眩左耳聾入蜀意已奪

栖賢玉淵潭

山泉九十九會趨三峽礧上流豁龍宮其厂飄雪練潭
中眠老龍以水為養豢腹滿不可貯倒噴激飛箭佛
鉢未肯收促迫風雨戰白烟凝蛟涎濕氣走雲棧石剛
水則柔相敵翻屢變我來再垂瓶可漱亦可嚙石陂古
人字剥落嗟隱現李渤去已久但有空玉殿誰為羅
漢身指月淵中見

游廬山歸舟後雨作志喜并懷內子蓮界君。

雲霾^山勢昨宵仍默禱山靈信有凭豈是匡君迎舊
雨剝憐坡老辦行滕朝晴喜放龍公假晚霧疑
酒客蒸却憶栖霞共遊者綠牕孤剪夜闌燈

附遊廬山詩

知讓

匡廬斜卧鄱湖側暗吸湖波滋土脉英、積潤
蒸為雲鎖斷湖濱萬峯碧山腹貯水水四浸往
往山膏得岩隙劈空石髓飛瀑泉匡君顧之
不能惜我來蠟屐踏翠微欲往山南望山北天
絕頂未易到路轉歸宗度阡陌開先近遠我
不知破翠飄來双練白漸看飄動簾生波似聽

奔騰雷破壁。岩松妬人仰。面久遮我眼光。落平
磧。松濤響雜石。澗泉跨澗橋。通梵王宅。自疑身
落聲。聞天一笑。臨風岸。輕幘僧。雖導我趨寺。東
循途。引水竹。接甍。澄潭。自涵萬古綠。游人忽
失。双耳聰。玉龍畏人。欲走匿。驚投石。罅窄。莫容
咄。嗟此境。豈易至。誰錫大字。摩蒼穹。犀牛
迴。顧馬耳。豎似亦駭此。心忡忡。我思抵水洗肩
臂。春寒無那。不可風。繞寺。西展鶴鳴嶂。苔巖
辭壁相。菁蔥陽明碑。在百迴。讀可憐。異代存
膏讀。書臺地。賸基趾。餘生憂患。聞坡公。紛紜得失

自強弱凭高一歎成觀空行、迴望見鉄塔在歸宗寺後山頂

去未久聞疎鐘參天高不影卓午萬杉爭遠

琉璃宮但看樓閣亦圖書持比規制如歸宗斷

碑大字不可考曰嵐曰慶曰席龍老僧揖我

不肖駐笑指五老將相從栖賢遠傍五老側雲

深愁見斜陽紅山泉迎人響細、煙媚客青茸

茸不知其名覺可愛二喚作青芙蓉忽聞

驚濤走一綫渾浩力蕩百二峯舉頭欲覓無

處覓猶疑馬尾飄風駿山靈狡獪莫能測翻從

地底驅豐隆橋平如砥度轉怯恍惚盃底看懸

弓礮^{大礮}碎^{大礮}文落^{大礮}澎湃急溜千尋衝石如惜水出山
湍水轉怒石當閭雄兩力一併兩力竭石分水爛
皆無功水趨間道合復散石卧交轍橫且縱跳空
直猛被壑驚觸迴走仍遭攻孤負周圍好山色
久俯乍仰雙目瞢蜀江天遠不易到古人比擬
稱絕工樹根我欲成坐廢強起更躡杻賢踪耳
目視聽用笨急尚隔青蒼中玉淵後至賈餘
勇掉尾化作經天虹兩崖中斷不敢斷如唇片
石相彌縫石腹空洞水不知飄簷擲碎千璫琮
珠^珠沫^沫賤^賤不得起水銀入冶火力鎔開先至此境

三變一秦一勾。羞雷同長存。不獨老子舌此中。
萬古相磨碧樓閣。舍利久無燄。壁面羅漢猶。
神通倒懸石壁襍。花蚤衆香覆屋春融。出
門五老迎我立。掀髯笑我遊興濃。怍。對此默無
語。安能立化山頭松。低徊欲去却能去。晚烟浮動
寒雲封。掉頭已失翠屏幃。遠火忽見紅惺忪。
如蛇城闕見隱隱。接天湖氣飛濛濛。天沈夜雨
作。輕冷沙浮新漲移。短舫茫。一氣積孤白。
我。萬疊橫疎月。篝燈晚飯進魚鱸。不寐聽
雨歌孤篷。山立水中見孤特。水行山腹逾瑋瑋。

登山臨水自豪逸學仙遊佛真冬烘徐凝惡
詩我敢效蘇公默禱吾其逢明朝吹火挂驅
去神稚何日聽玲瓏

書知讓遊廬山詩後

我携兩子遊廬山使悟文字山水間白頭讀書老
牖下趙奢有子真愚頑用兵苟_仙泥古韜畧名將喪
師難苟全徜徉竟日返篷艇剪燈遂作詩兩篇知
廉泱晨縱筆書二什造句頗戛然鐫雕刻畫極慘
淡以詩作繪摹荆關知讓蒙頭睡竟日呼之不起寡
笑言未知心魄寄何處但見疾寫三尺箋鵲落兔起恣塗

抹擲筆跪戲新詩完老夫誦之喜欲絕萬牛直欲迴
豪端胸中成竹具枝葉如以一索穿萬錢持虛擊實
肆跌宕信縮變化相鉤連繁簡縈迴合紀律詠歎往
來微權嗚呼孺子解辦此不枉蠟屐窮涯巔譬如卷
帙繞身積穎慧不入徒窮年匡君兄弟樂啟迪暗淪
霸府疏心源衰翁或有譽子癖寫寄藹質隨園表
順風過大小孤山偶成

蛟龍棲廬山觸霞噴烟水虎豹居番湖隨地露角齒
鼓一兩岸排磊磊中流誇拍肩競雄豪擁髻相賢美
突兀有本性山欽奇各成體孤主亦自得依附或堪鄙

水采似可狎石介終不徙驚濤若爲雲遠林但如薺
江湖逞威力巖岫驗根柢帆張篙櫓靜浪細僅奴喜
我持平等心風利爲足恃遙祝馬當神無偏乃公耳

東流阻雪戲作

衾鉢生稜布帷薄卧聽江聲打油幕爭訝風隨縛
席弭卽知雪共驚鴻落梨花才逐春分開柳絮糝
從社前脫沙崩次第移檣頭水漲參差縮洲脚荒
汀酒貴買茆柴隣舫蓬廬弄絃索吹簫誰披紫綺
裘拍板人歌白翎鵲似聽羌兒唱紆干失笑蘇卿守沙
漠遙憐婦子祝平安豈識江湖歎飄泊藏園方信

撲簾櫳碧沼柔波沁樓閣玉茗香攢膩粉苞海棠
紅破燕脂萼維孫定向柳邊嬉病妻或對花前酌可
憐旬日未千里敢道六州成一錯船同北里開箏琶岸
指東流失城郭明朝瓊樹挂銅鉦應許橋烏舞凍
雀

附同作

知廉

輕舟在變披綿雀客子朝興笑東郭遠汀綠
掩帛要斜荒岸頽驚犬牙錯開簾愁望無
邊涯履地從知費斟酌龍頭破絮輕於雲簪
眼飛花殘似萼誰知影同潭魚忽聽高譚

度船閣泣人故作三秦聲
小住真成兩萍泊纏頭一曲空
低徊撒手孤飛仍沙漠可憐
冀壤九蜺螭自比僂僂駕
烏鵲客憎兩耳喧箏瑟
鳥笑羣芳畏鈴索遙思我
母年愁腸正為兒曹計
行腳風狂或料舵莫移
春仲寧知裘未脫隣舟
恰喜偕羊求酒醖居然
話籬落相風屢頽檣
烏旗噤凍頻寒葉燕幕
敢祈滕六迴春融莫使
行人戒冰薄

知謀

寒力不勝酒力薄疎篷連夜加幃幕僕病安

能友麴生地偏何處尋桑落單衫昨日著初試
布袴連朝催未脫麥瘟耳欲生鵝頭江漲身
浮移鷺脚春水不成滕六花風細先吹異
三索沙圍銀浦戲妃史樹挺瓊枝睡鵲鵲
離人深怨柳依依歸思結成冰漠漠經時元
已辛勤何底事東皇尚栖泊黑貂蘓季捉
長裾春服曾生束高閣平添軟水送牙樁
頓失遙山好看萼就中得失誰解知塞上
翁能細參酌老農行客共咨嗟冬令春行兩
參錯知機欲問譚天那種樹爲求索駝郭

迷漫無處覓瑤環報恩愁煞巾箱雀

改泊蓮花洲

滕六強制翼二威鶴羽忽變蜃珠飛急飄緩洒意未
足難以雨霰寒烟霏東船西舫議改泊濕帆折擔櫓
風微餓夫得食老女嫁戰壘解駁疲軍歸小伸未
許五日復薄稔且救三年飢湏臾打極棊改局排比
繫纜絃移山微長年殺難禱河伯舵女剪級祠江
妃東流恠屏閨年出春漲每駕銀山魏前番一
洗萬穢滅慘如赤壁燒旂去危就安計亦得豈曰
暗是今則非迴眸舊岸已廿里新壘保聚重相依

附同作

知康

○恠犀欲奪龍公威驚濤十丈橫空飛商飈發響
助聲勢一宵而雪凝成霏舟人驚恐戒逢怒水
亭不許騷少微舟移斷岸兔迺逝網帆挂宿
霧禽催歸退飛鷁宋人識轉移粟類河
東飢風光不甚別江漢語音自覺殊安微
須臾繫纜傍漁艇瑟聲隱吟湘妃兒童效
谿母嗔喝大人藐視言崔山魏笑予轉境自
寧適優寒買醉多酒泉江南春好暈生
臉齊東語雜誰敢非荒洲小泊待朝霽花

開君子吾將依

登大觀亭

江流去無極而我又登臺樹比年時老樓當好處開
表忠碑再立懷古客重來要吸遥山翠呼兒具酒盃

余忠宣祠

十四年前秉燭遊黃昏微雨泊孤舟忠臣祠墓龍
岡抱戰壘風雲雁汊留甲第魏科公自重文章
詭氣死還羞提封依舊蒼生在可是昇平國易
鼎

三君詠

翰林盛文詞一麾乃出守典郡十四年不知官職久挂
笏太白樓笑把青山酒燃犀戒刻深日見民風厚太平守
沈既堂葉富

才人習為吏循聲遍吳楚五十領一州尚與時賢伍退公
擁圖書自覺鬚眉古鄧禹亦如何低頭思卓魯亳州
守江蔗畦恂

樹挺崔嵬之山凝裴叔則入含粉署香出倚朱轡
大雅斯不羣安見端直吾家公輔器于此覩風力潁州
守家辛仲熊昌

中丞閔公峙庭先生席上

肅靜牙旗畫漏傳湘簾垂地裏茶烟清風笑指盤餐見世德
悲從基石鏤中落高門由積累尚書華閱重綿延三年僚
屬師楊綰却謝輕肥守俸錢

苦語都從至性來卑魚銜恨不勝哀尾燈殘行留應在竹筍
遺經忍重開清介原憑求志學端凝真倚濟時才尊前我
亦傷心者暗淚隨公滴酒盃

廉使曉林秦公席上

守牧中間着腐儒九枝燈彩映冰壺纏頭湯贈双文錦入
耳都成一串珠身現宰官原是佛海能杯渡不須萱春
風拂座移秋氣還寫花前主客圖

池州道中

人家都向畫中移
門外春江遠綠陂
不但蓮花開九朵
遠山橫處盡蛾眉

拂簾新柳蘸烟痕
入饌香芹削玉根
斜日林腰收網罟
麥苗風起賣河豚

感歎

留人画舫三多月
送客春帆五兩風
烏鵲南飛多感歎
大江東去幾英雄

望九華山

飛雲排立碧霄邊
化作香臺九品蓮
十地曹司羅

剎國諸天眷屬目捷連由來孝子能成佛得主名山
即是仙白土巖前多健飯伊蒲還結衆生緣

櫂歌

粧成偷照碧玻璃說是廬江小吏妻蘆荻編塲苑
蓋屋桃花紅過席門西

春江花艷水雲居載得揚州月一梳桃葉桃根好顏
色全家去食武昌魚

荻港守風登鳳皇山

一角幽居巖半嶺瑞石洞愚公負之來江力不能動
平生登陟興所值防少縱石尤知我深擇地巧相弄携

見試躋攀。不省腰脚重。一笑離扁舟。醺雞出深甕。
茲山名鳳皇。南向展雙翮。右臂林慮排。左臂峴巖
積。牛羊雜獅虎。游牧相偃息。向背於盤拏。起伏爭
辟易。以石作毛羽。片片皆斧劈。襜褕梳長翎。批擲交短
翼。只疑鐵圍城。不許樹穿隙。竇納趾。二分罅。藏客五尺
竟。作乘鸞人。失笑手加額。

躡脊跨西嶺。喬林立相倚。老楓欲化人。萬木各生死。
楓根百鍊剛。山骨避觸抵。撐突土莫容。拔地各騰起。或
伸石鼎脚。或掉烏捷尾。橫如竹行鞭。曲比蛇赴水。枯藤
纏佛身。薜荔縛山鬼。筋脉本倔强。氣力自終始。何必餐

桐花山頭有楓子

返睇叢篁深。憂然度清磬。翠掩如松菴。僧老方入定。江
濤自掀天。不入諸佛聽。墻東種菜翁。喚之弗我應。掉
頭板子硯。落手如墮甑。遙想黃左軍。蠻觸爭負勝。曳
履辭香舍。彳亍下樵徑。簫聲出紅樓。疑有仙人凭。

魯港

塘溲無功透渡宜。偏安誰道木能支。徒勞玉斧參
差畫。日見鴻溝次第移。燕雀堂中爭負土。君臣
湖上且銜卮。三軍司命長城重。多謝閒人為督師。
烏啼楚幕失襄陽。那有橫江鐵鎖長。蟋蟀分籠停

死即陂貅連舫待平章。飛馳檄裏浮雲重。倒指戈
延夕照黃。何必迴心汪主信。寇萊公亦費商量。

睡醒憶藏園

短岫都抽碧玉簪。柔波平展綠羅襟。逆風隄轉瓶
罌倒。背日帆過几榻陰。午睡乍醒家正遠。園花新放
夢難尋。軒窗孤負圖書滿。只少也人擁鼻吟。

寄家信

碧桃花下鳳雛多。修竹^邊闌翠袖拖。孫背晚書依水
石。婦烹春茗出烟蘿。承歡有仲能勤學。獨寤無人
共嘯歌。收拾望夫思。子意倚樓聊看插新禾。

子弟行中尔最馴，拳拳忠信任天真。心平自幼師
前哲，辭寡由來數吉人。幽獨能偕妻子順，周還
惟與簡編親。憐伊昆季臨歧淚，彼此丁寧謹
疾身。

詩詠南園小婦隨，七年身傍碧梧枝。閒寬自引
雙雛戲，故國休懷阿母慈。釵珮受恩情薄，命房梳
分夢感離。思添香奉帚尋常慣，莫效啼粧掃
恨眉。

雙鷄兩角四桐孫，旦暮分甘集寢門。閑讀書知
龜勉，牙學語解溫存。奇聲換手煩諸母，食飲

隨有讓所尊省識傷懷憐阿厚送翁嗚咽掩
啼痕

張觸

蕭牆簞豆每操戈富貴人家等逝波不及池陽風俗
厚五松南北義門多

宋書陽方綱言自公同居銅陵余赴十三夜難對十二世阮德信不世
同居而汪與成百廿日同死建美之難海內存者也

太平道中禱咏

陽水江上枉招魂失顧化儼二女孫縞袂尚堅同穴志宮
袍官負九重恩

姑孰天門軼蕩開居然赤白混仙才醉吟薺裡身重現
筆劒應誅厠鬼來

玩鞭亭外酒旗香
賊騎爲趨能太陽
誇說的盧能躍澗
讓
他泥馬渡康王

膽落東來郭默軍
半閭人欲立奇勲
福華編就鞞如
面也美重生靈允文

濮監丞家女士多
相門偕老詠紅鵝
才人娣如依晏氏曾
爲王妃喚奈何

孤兒面貌似花雲
乳自蓮房露水分
一樣忠臣陳友定
忍教無子拜掘墳

舟過秣陵懷蔣齊先生

新愁都借岸花醺
入骨相思酒十分
招隱身拜流寓宅

郭城人變出山雲芳園依舊偎紅裏老筆猶堪記錦裾
不敢重尋後鶴侶恐煩仙史中移文

林氏三女德微賢來舟省視感而有作

光威裏內最稱才鬢髮如雪寶釵舊有田廬依謝墅
况魚門第照秦淮懷安屢誡揮金埒補缺難求煉石
媼五載重逢竟領默無言慶泪頻指

封侯人去小樓寒翠鈿明珠賣已完蓬鬢憑誰謝朝
葛衣因尔念任安分貲借廣通門惠減米聊供卒歲
餐還憶劉家生小妹暗懷千古發長歎謂四女秀中

燕子磯烈風暴雨竟夕因念知庶往砥礪旅困

僧樓墜空鉄鎖絶雲根墜水危磯裂初疑鬼母弄兵戈
漸駭神螭徙巢穴黃昏畧見石燕翔夜半俄驚天柱
折舟如見鼻乳灘唇人似粃糠聚箕舌木鐸波撼衆耳
聾地黑天昏羣象滅南熏解愠職長養朔吹張威司
掃撒清明已過百卉昌何取飈輪不停轍一日通行三日
坐顛頭鮎魚羈跛鱉吾兒策蹇更狼狽茅店燈寒
展衾鉄風中病眼承負塗鹽背詩肩蟻緣堦祝翁安
告此時情人阨天窮兩無別五風十雨有常占笑我平
生走趨拙

謁水神祠懷裴文達公

尚書重現宰官身成佛生天信有因曾掌河隄
持漢節故騎箕尾領江神能為舟楫推才力不作
風波本性真敬守遺占酹卮酒靈旗還仗指迷津
公屬續時云吾為燕子磯江神凡故人過此以卮酒相酹不醉也

九峯園訪同年戴良圃給諫談讌

別路三千里離心十五年盃浮花冉、影聚月娟、九華停
雲館千帆轉粟船從客樽俎畔談笑領江天

樹裏黃門節林邊御史驄紅酣船入畫碧湧石連峯有子
才如虎其文氣若龍泥金飛報處真驗鏡芙蓉

建隆寺視三孫女墓

多謝山僧掃葉勤。阿翁來上女孫墳。埋香尸解花三朵。倚竹魂消月二分。在日將留遮額髮。生時應看軀身。視費錫天氣。舍飴酒和淚。為伊洒夕暉。

不信能探隔世環。遺邱溪護碧琅玕。碑應添土防泥掩。骨憲行鞭被筭攔。諸佛定憐新鬼小。一抔能保百年難。誰補老圖經內。記取清溪小妹棺。

梅花嶺謁忠正史公祠墓

十六年心事重來一拜中。天令存畫像

聖為表孤忠。遺墨牆碑泐

宸題寶碣。碧梅花含笑。靈不與舊時同。

明春岩紅橋待月圖

十里芹田遠蜀岡，煩他坡老想歐陽。
古人冷澹今人笑，換出笙歌酒肉場。

樓臺金碧擬蓬瀛，桃李門牆細柳營。
併入竹西圖畫裡，略嫌儂骨不能輕。

衣香鬢影四時新，酒似巴陵醉煞人。
不見冶春詩社客，多君重現再來身。

平山堂上會諸公，伯湖中去采蓮輸與園翁。
銷夏飲荷花堆滿，西欄前

清才君似杜司勳。碧落吹來許護軍，
合在揚州支手版，醉

中題編鬱金帟

詩人眷屬滕樊川、鷺鳳_三邑、倡和連夜泊紅橋下、簾卧紀
央還妬兩神仙

二分蟾魄幾番圓、不見宗之已五年、安得曉風殘月路、與
君橫笛唱屯田

一葉仙槎貴公子、三更風露宰官身、遙知五百餘年後、思
煞江南讀盡人

題明夫人楊瑞芝綠牕幃

篇章清老性真來、不是銘旌詠絮才、寄弟詩成三百字、
可憐忠孝出悲哀

據鞍錄後志西寧家學關西守六經不向日升平老黃閣累
他丞相戰街亭

餐壇啗雪事難明清議紛一說死生何日龍荒飛雁帛
黑頭重返受降城

相門徐泚再來身又得秦嘉舉紫賓不論家都論詩格
合稱王孟社中人

題朱子穎都轉再蜀中所畫大獅子

佛云獅子勇無敵金剛搏之用全力多君氣力大于身
書畫禪中善知識昔年曾磨墨一缸酒酣怒寫百獸王
方頤雙額毛毵裳山鼻劍齒雷電睚眦撫熊羆肉

屏象鉄柱作脚無人扛林深月暗倚一動萬鬼不敢窺靈
堂已江送流雪山倒奴視前賢顧光寶勝震老弟白澤兄
官向室門作牙爪吁嗟乎世網綴士隨羈牽寫鳳且受
神人鞭能為席豹何須畏不作麒麟亦可憐

金樓亭教授席上題扇

花前螳使喜還嗔細為微之寫會真生小袂風絲紗底丰
儀重現後堂人

批風抹月最安詳絃外聲傳鏡外光却却雲鬟除翠飾
有人愁倚玉山傍

王家新婦愛言卿曉真轉宜作小名為月為雲畫祥瑞紅兒標

格勝書生

六郎顏色比蓮花烏帽偏宜覆額紗却恠言愁如洗馬
秀眉低處兩峯斜

龜齡五十報金泥烏得沉江有豔妻一種空仁憐此意對
孃懽笑背孃啼

剪將秋水作瞳人雛鳳聲清笑語溫托地難隨謝家柳
者般生長在朱門

小溟舟席上贈朱思堂都轉孝純

加為公子賤輕肥長作諸生似布衣得士名喧京地楊從
軍刀破黑山圍文傳論蜀相如草筆為籌邊上將揮

誰識班揚陶謝手，八千人內馬橫飛。

吏民如子令如翁，轉戰倉皇釜餽窮。自捧心肝酬

盛代，敢憑刀釵立奇功。墨磨盾鼻飛成兩，箭著旄頭

快若風。要試書生才力大，昇平天特許從戎。

泰山奇秀在賢翁，生就臨淮一尺蠲。自古官常書上考，
平生清獨畏人知。身居達宦猶如士，盡已名家更有詩。最
羨金壺拜餘星。

帝前揔袖洒丹墀。

爭疑才子作都官，筦籥從來稱職難。鏡裡髮聰倚鼓
白社中，看對酒盃攢金銀。氣沸還丹鼎，花葉春移百寶欄。

怕檢穠生絕交論觀秦誰到局中看

十七年交月二分養花天氣數論文閒偎竹石宜詞客笑說
英雄累使君林茂難辭羣羽競亭虛真厭襍花熏官如
傳舍心常靜聊守枯禪浪見聞

義俠篇為吳斫農作

延陵同學翁是古義俠人鬚眉美可畫玉山七尺身黑頭
不及友修髯已如銀六十仍朱顏內養黃庭真幽齋具竹
石占我書堂隣酒酣乞生傳久要歷三春翁行東漢士二
請細陳系出世華曹明德世未湮翁齡才十三婦翁國
士珍許具壽者相不在富與貧得增有如此奚翅梁鴻賓

事母二十年至孝通天神母歿父命仕遂更銜官紳是
時金川乳將帥出重臣桓桓京兆公引公翁參其軍主
客畫地爐言論誰能聞但聞公稱善敬禮逾交視凱歌
既已奏制府嘉其文將以列薦牘長揖辭軍門旋除廷
尉官銜恆為宵奔再補永昌職故人病頓呻願以孤子
托其奈滇南雲翁時發慨慷解組後所云誓撫六尺孤古
義於是申風雪壑冷窳夫婦相恂恂或饋米廿斛賢哉
朱百年翁念蒙養師老妻絕炊薪遂分冉子粟用廣
太守仁其他三部恃翁為飽溫或脫陷阱禍或泯瘡痍
瘡或全孤鴈即或蘇僵蟻視平生赴難急大勇同孟賁

皆以不忍念獨保惻隱存豈釣悠、名非示照、恩一善足
風世況復魚紛紜兩郎習庭訓詩禮非循、駟馬報長者
常理天衡鈞我友金國子傳翁文最醇表公為書後屬我
詩揚芬翁名曰光國祭酒鱗潭孫今占揚州籍結交多紀
羣其居烏衣巷王謝排高軒飄、松鶴姿不染元規塵
我愧史官筆虛誣非所云

題幃額謝雨峯画

雨峯為夫白蓮為妻男能詩書女有芳游儀一家仙人古
眷屬墨池畫醜相扶持同居看葉堂老樹盤曲如龍翔仙
人眷屬不肖騎之去雲霞結牖風月牕書淫畫癖出天性

乃築畫庫營書倉。花開把酒共斟酌。不願身作諸侯王。
我眠紙障中。手裁六尺鶴紋綾。來過古揚州。船中磨
墨兩升。見面便乞兩峯面。兩峯攜去不我應。明日花光
滿衾枕。曉夢驚覺披衣興。玩之叢、妙香出。云是一家
仙人墨戲。揮以肱。兩峯寫梅花。白蓮畫牡丹。梅花橫
卧牡丹立。恍若天女下。偎高士。寒女爲黃菊子幽蘭。
意態澹、秀可餐。老夫忽墮衆香國。却憶山妻獨
倚鷗波欄。闌邊鼠姑已將放。梅葉滿樹遮山蘭。籬根
菊枝發。主婦灌溉全家看。爭似兩峯眷屬相團
圓。寫花贈我非無端。怕我枯屏生愁歎。可惜庭中老樹

不可借老夫騎去元都壇勝在花間偃仰游邯鄲

題兩峯竹林園

諸昆各抱凌雲節羣季俱睥玉筍班屢周旋琴酒
外竹西風日好清閒

孝友風裁自有真合添棠棣倚修筠閒居幾許煩商
權不是清譚一輩人

人如九品妙蓮臺五嶽文章四瀆才認得花之老尊宿
普陀山下竹邊來

嘉福堂觀劇呈李西華友棠張秋芷署松坪坦諸

前輩

宮中火起帝何之誰見金川夜遁時大義千秋君不
死神姦一字篡難殫次滴史筆都會血忠孝臣心各自知
看到當場屠倭慘且將饒鼎鑄窮奇

人情天道兩難平譜出哀後第四般已見元勳就誅
戮更從骨肉毀干城齊黃罪豈容于死方景身無愧
所生家國從來根本重錦羅瑜上看分明

康山艸堂宴席觀劇有作

綺筵重聽四絃秋一在尊前盡白頭何必官人皆失意
歡場各有泪難收

能傳幽怨寫琵琶來自東臯太守家唱到空船秋夢後

滿堂清泪滴胡笳

蠟淚成堆老泪垂
某公乳婢不勝悲
後人懽樂前人苦

誰有迴心富貴時

憂貧心迫罵錢神
苟得黃金便轉噴
原憲艱難端木富

天公平看讀書人

守珪麾下救蕃兒
太白山前識子儀
管領凶徒後
人

當微賤最難知

過安定書院有感

再見生徒識性真
重來吏役似家人
親聞樹浥前春泪
子舍花含舊日顰
種後楊將拂檻栽
芳州欲成

茵留連几席伍細極蝶與莊周本一身

舊城讀書堂雅集呈秦西巖前輩

南北居然判阮家讀書穀借女牆遮承天語誌詞臣
宅行馬門開御史廳舊疊屏山俱繡薛新栽簷柳
已藏鴉三春再舉同年會光景真同赴壑蛇

次韻留別金陵亭國子

爛醉平原十日觴春懷能轉髻幾霜明懽難謝寧辭
飲婦語曾教莫更狂將老頭皮客我醜未衰文筆
讓君長情知怕醒揚州夢留惠南都膩粉香
細雨簷菲舉夜觴故人三載判星霜能船再惜花

前別錦瑟真防醉後狂佳日園林情倍遠老年兄
弟話偏長通淮此去聽新曲傳編歌筵玉齒香

為李再來題李穀齋舊畫硃砂鍾虺像及雪

景小幅

高剝長紉人見此古丈夫凜然現湏眉氣作丹砂符籙
觸邪勁艸能指佞正則伏鶚默當以不戰勝請藏之

星文換把五經筆判事南山中萬變定于一

六花地豐年萬景氣藏飲亭亭紅衣人春光留一點積素
斯不絀至潔乃無玷虛白迴太初涵益天下陰我昔訪穀齋
踏雪如入剝今見獨立翁懷我含笑臉本色是真境何必丹

黃染

會和程漑亭太史沅

同是當時入匣鐔憂難勝樂各如快臯比錮我文章病別
墅藏君水石園再飲華泉慙丑父重登軍冊媿丁男誰
參甘苦酸鹹外來和先生擁鼻譚

荻莊風月媚高眠久別瀛洲弭散仙白髮慕親愁似海青
燈裁史酒為年當官事過拋塵夢學道根深了世緣還
祝閒身如藥樹壽藤花葉遠離編

笑指東華舊月明江南重照兩書生芳園曲榭聞高詠古
礎方花倚素楹屏首離尊公子夜驢背新唱發商聲柳

花吹雪難為別淮水舒舒共此情

梅花詩和李薊林本翰觀察韵

山眉水曲見孤根何必羅浮指舊村春透已迴枯槁色花成
猶帶雪霜痕斜枝自挺時骨疎影休疑月下魂惆悵論交
松竹後怕隨桃李列公門

不染穠華半點塵天公先雨一春材問枉自稱高士驢背
誰真是解人信有何郎在東可無朱老結南鄰由他翠羽
啁啾戰凍蝶霜禽暫與親

探春花湯雨平分幸免芳時急衆紛落處凭吹風外笛飄
來都化鶴邊雲西谿寒釀香三里縣圃新粧玉一羣未害

廣平心似鉄要從烟月悟聲聞

艸未迴青柳未絲
侵寒真愛僻人姿
偶然臨水偏疑夢
每到逃簷似索詩
古寺鴉翻冰坼後
斷橋人過雪消時
隴頭春信凭誰寄
只有江南驛使知

晤李再來都閫

炯即以留別

淮陰重舉故人卮
恰遇懸車謝客時
白壁黃金都散盡
聲名官職兩無虧
鸞封夫婦乘軒共
鵲起兒孫盡白眉
陌上花開歸緩緩
高情惟有海鷗知

中年兄弟喜豪遊
晚歲衷懷痛子由
池鉢有丹延上壽
藟石盤輕舟信天
公羽學子原知數
安樂富人自寡求
相約潞河

尋杖履五株楊柳盡汀洲

渡河

又作黃流北渡人平生豈但畧知津
風來帆逐平川馬老去身同上水鱗
漕帥計程方迫促河臣濟運益艱辛
爬漫乞龍工手一兩應煩惠濟神

悼吳春江秀才山

文士為金夫十載家已破名場豁虛北
人海比旋磨少年投足非老大要賁左
身危疾病來境轉惟娛過惜我臨池人
痺痿成嬾惰折臂而曲肱三年掩關卧
屋賣鴉屨還堂移燕羞賀訪君據稿梧
兀枯禪坐口沫右手脫嚅囁嗟坎珂
無兒守詩書有婦

免寒餓九還藥難求。七發文亦儒。三朝聞委形。老泪襟衫流。
安樂損智慧。習俗矜財貨。退筆藏虛舟。招魂歌楚些。

守閘

舟蛟截飛流。箱峽忽中斷。塙撐篙雙闕。岼圻縣一棧。臺亦垂
簾波。橫闕插魚貫。版築如打夯。繩引若牽襪。屏藩既遮關。
壁壘難奪杆。門高鎖鑰嚴。津要官卒悍。云持調水符。恪守
宣防箭。卷縮比收轡。帆落同却扇。排檣插門戟。掘橈集汀雁。
欵閤凜踰垣。畫畛閑越畔。遙聞篙櫓喧。不異鵝鴨亂。登屋俯
窺尋。隔戶同感歎。程期待三朝。出入爭一閤。窮鱗困止水。
去煙阻風暢。空擎下水船。不放流星彈。我聞笑啞々。歸坐語。

灌洪河。舜淵泗。柱渚樂迂慢。轉運關此途。就陸由汝便。却將
懶情心。翻作漁留語。塞誰解嘲。口噤休設難。無聊聽荒
雞不寐。成鷄旦。壁遭石尤雲。敢而波臣戰。解駁苟可期。策
馬我寧殿。任運任行止。通塞理各半。魚磯亦大難。君遊
汗漫。

附步韵

知讓

○二千七百里。分四十八斷。水停金入鑄。船繫馬戀棧客。
星光累。一一落天貫。轉旋不得出。鈕釦限衣襟。崇
祭廢不修。旱灾孰為捍。瑟索遊河魁。睢盱山魃悍。前
路空直弦。客心疾飛箭。潮射不待弩。江渡苦無扇。

索版舟解膠繫纜，爭距雁齊強。薛被築魯大費，
烏畔非梁亦非枉。難濟更亂，譬彼病腸。人一食輒三
歎，腸胃豈不寬鬱。多阻間，誰能耐閉。置新婦下
車，慢坐看烏兔。歷碌走双彈，守史記閉狐鼠敢薰。
灌信宿石門間，由也遭忤。悵坐看百夫長行事少，
宜便誠不自樹立。躊躇誰怨憂患境，可知平安
寔多難。元、三日期漫，長夜旦換。翰溝莫踰，宜
守不宜戰。旗奪那可登，馬策盡成殿。一水阻盈，
牛女各分半。安得挽天河，長風破弥漫。

放開

當闕十夫號積穀一朝屏諱若館壞垣喊若郊釋警聰若耳
徹豈明若目去昔如背剔芒刺如喉脫魚鯁如種上去針如領
下裂癭如鳥離敗巢如蛙跳古井如底諱墮蕉如條別冊焉
登隨穎耕爭追比鄧艾逞兩崖吸千篙百手牽一綆上者懼
中懈下者惕前猛雖然策彼衆亦復御其騁往來或相防
出入各自幸推蓬四能驚呼酌酒同酩酊前開倘未封所
願不敢請斯湏且快意懷勿思轉境

附步韻

知讓

○晝眠龜息屏夜坐鶴更警版去壑郊壘橋徹經天
青三日期不愆臣也真骨鯁千夫挽一舟好醜襟疣

瘦夾岸轉輻輳救我似從井應用聲翹開失笑藉扛
鼎秦帝鞭且投夏承力方逞石堤如鏡光乳髮散千
綆地狹溜轉平

萬弱

水逾猛分寸勞躋攀束縛就馳

駢爭先勇忘身欲速利微幸眉与氣俱舒一樂同醅
酌舉手謝守吏遙相揖請迎看下水舟平分勞逆境

韓莊聞錢百泉登第喜作

通門老兄弟交契逾骨肉登科我脫顛得第欣捧腹可
憐兩番笑不抵十回哭誰為擅文章君獨困場屋衆人所
雷同十年乃一復遙知釋褐後痛定加感觸生為智慧人
百事相桎梏雖食神仙字不敢溝壑辱泉秩苦飢寒外吏少

縛束苟能立功名不在爭雅俗恐為悠、官難受客、福手
搥弩千金身寄舟萬斛報恩士所願濟物天未卜如君詞
賦手三館且拳局前途覓郵籤洗眼看除目相期共驢
車持被拉君足

偃蹇

曲防如過羅東漲比持彀上流已過潁下流莫掩脰侏
判飢飽環燕各肥瘦來船燕鎖經去舫錢積垢晉波那肯及
鄭蛇不能鬥遁下淇園竹疊禁尾閭漏一夫守泥丸三舍隔
圭竇平生放曠懷進退失去就胸納溟渤寬色沮溝澗陋
濡尾增狐疑俟河感人壽喧、耳忽聲威、面都皺傷哉

鳥入奴慙矣鹿羈囹輪方不可轉渡狹豈容透馮唐故頭
蹙顏駟步迤逗坂歷九折艱川經三峽溜哀泉方出山愁雲
歸岫一坎接重坎五壑連十壑消磨偃蹇身僕病待誰救

南陽訪楊伯儒士奇太僕

七十老翁雙碧眼服餌平生事靈扁當官不受四知金
積能營萬夫產鉛山父老猶盼公名宦傳已登南臺讀書學
但師董賈為政治乃逾黃龔廿年林下母養畢小試陶
猗治生術繞屋成都八百桑歷畛江陵千樹橘姬媵不作
時世粧兒孫分領經傳香塘通百頃種魚國門掩十層旌
馬堂故人喜復共卮酒卅角肩隨今組綬仲官法二曹季別

駕少孤孫亦遺經守君子富壽理則然俗吏貪酷真可
憐君云百事莫挂眼看我傀儡裝神仙土音嘈襍面粗醜
哀拏盃為我壽愁眉不用唱陽關笑祝期頤執君手

龍石樓中允芙蓉城記題詞

欲界根塵色界身思從天上擁靈真仙官地美難長據而
有專城受代人

仕宦難尋春夢婆前塵追憶託微波窮官莫羨襄陽估自
是即君乞相多

天上人間邂逅重花前嘲戲逞機鋒因緣一笑生還減聊
為癡兒唱懊侬

天曹法吏坐南臺那借人間判事才自是慧根男子少故煩
金母掌蓬萊

死作閻羅冠替韓生人聲伎鬼吹彈火城釵樹嘶驢馬蠟
燭成灰泪未乾

元才子去作閹黎李十郎猶得悍妻自古文人苦無行平
反當使墮泥犁

濟寧守聞聞戴蓮士舍人

衛亨

廷對第一喜而

有作

文章能稱美科名氣節應侔古俊英立脚常為
前第繼得人豈但一家紫詞垣接武 恩尤重

國士酬知任敢輕檢點名臣言行鑑百年期望
在鄉評

知汪叙潭國子下第有感

新婦樓中聽鵲音，慈親堂北盼泥金。
碧雲天路層層迴，紅杏花源故故深。
才士無多同惋惜，神仙有數待追尋。
遙知海內文章友，感遇因君發苦吟。

三十華年一第遲，才名載動京師蓬。
山冠首言終驗彩，筆干霄會有時。
太學官清堪祿養，中人座薄易遷移。
朱程風義魚師友，不到途窮說數奇。

謂竹均學士魚門編修

安山間看月憶知廬

豈是相偕計吏車，黃塵烏帽最憐渠。
門多朱履難為客，士到長安不易居。
漫把館餐煩父執，當携書劍賃僧廬。

家人此夕依南斗未識推蓬似倚闥

聞楊奮武守潔談臨清殺賊事有贈

手提二十七頭顱丞相曾誇好丈夫三尺昆吾萬人敵將軍終佩玉麟符

短刀卷戰逐游魂襟上臨清舊血痕三十男兒能殺賊越公華曾尚書孫

通城一炬武功成譚虎猶令四座驚可有袁宏記遺事運租船外月分明

阿城開

中茶

借闥

中茶

邳抄讀

撫邳

思綸

感涕成篇

誰聞餓鬼途湧現地獄相守聞聞哀號如入轉輪藏欣聞

撫卹詔諄切責留養務令沾實惠

如便

濟空喪

聖心天地仁膏澤沛然放萬物含生機蠲賜無不當游饑
始畧告有司職每曠預籌術既踈挽救力難陣流亡已播
遷出納恐靈誑為語魚魚詆曰歸免惆悵就食寧爾居庶
得首邱墓氓云死斯湏無力更迴向叩頭謝

皇恩逃散嗟孟浪不辭化僞若但願長官諒豐歉以實聞
秋成當有望

舟中示知讓

不願見之形不入耳之聲前後左右間如張鉄圍城無物
塞我聰無物蔽我明坐困桎梏中不能馳心兵遠身百卷盡

呼兒共營營鬼恠我前我目別有瞳難犬吠我旁我
耳別有聽曉曉糞土言擾擾木偶倂蟻蟻自來去蜂
螭各死生我身墮惡境我意遊廣庭聖可羣鳥獸賢
可侶袒裋我非聖與賢竊懼疫癘嬰譬諸謹疾人怕
風雨腥又如養生者夙夜防三彭經史充大藥其功
比參苓洗滌曠朗自不使鄙吝何物共寢靈膏膏
蟪與螟何物共飲食苟苟蚋與蠅有聞自屏絕有見自
閑局衣冠古人出揖讓古人興俗子等奴隸焉得稱友
用何時離坎阱揮翼隨天鵬太息痛恨辭絕吁誰能
聆

再示知談

莫負于魚學莫孤于魚友莫若于無識莫賤于無守莫無學
如病瘵枯渴豈能久魚友如墮井陷溺孰援守無識如
盲人舉趾輒有覺無守如市倡興息皆可誘學以腴
其身友以益其壽識以坦其心守以慎其耦時命不可
知四者我宜有悠悠享富貴舉念無弗苟危者黏壁
粘安者科上朽形骸如遠人肝肺同下走小子謹識之
勿為世俗徇

經綸大人學不在章句間經術有通變墨守良未然奈
何淺陋子局促抱陳編迂謬譚唐虞敷術無用言其或

炫文彩著作矜雕鐫付之蒼与黎授之事与權膏
公府中四面羅雲烟一二申韓後三五刀筆在倚如左右
手稷契如是焉乃知學非學不學尤可憐嗟我小人儒
迥異用世賢負乘而致寇福大身能全

我亦蓬荜人何以服冠帶我亦貧賤身何以擁旌蓋
我賢可治愚我明可開昧賜我爵与祿使我異流輩
不耕而有食不織而有衣既与拊字權入与撻伐威上念
朝廷恩下察欲惡微我暖民不寒我飽民不飢求免尸
素愆庶聞愷悌詩我愚乃無殊我昧亦從衆冠帶飾
形模旌蓋美儀從吁嗟優孟軀何以保榮重尔曹讀

書時當念為時用

銷魂

官柳依河曲
船燈聚閘門
牛羊已歸牧
雞犬不成村
赤地揚沙雨
游兵刻水痕
魚自行百里
銷盡旅中魂

默念

地僻雞鳴少年荒
鼠竊多誰書
六月雨默念九
秋禾飢旱
閤天意
些王登奈歲何
欣聞梅鄔
詔賢宰尚催科

一飽

粟麥如何價論斤二十錢豪家方閉糶鄉黨漸
無烟折券窮誰告因糧奪用權輕生求一飽誅罰沒
牽連

自鬻

老婦携兒女哀哭向天惟求免餓死豈復計身
錢自鬻難為母生離最可憐高襟祀神者目斷燕
巢邊

獨寒

江北占山東偏災歲口凶民生何獨寒寒裏視本相
同吳越爭歌舞齊梁說困窮姓寒寒裏視本相
同吳越爭歌舞齊梁說困窮姓寒寒裏視本相

雨陽公

讀杜詩

杜陵一老翁，隱懷當世憂。治亂古相循，亦非人可謀。
苟無收京將，魯昭卒乾侯。麻鞋見天子，誰信縹緲
契。傳朝廷任林甫，召禍良有由。居然指褒妲，投
鼠器或差。用兵國有常，戰骨不待收。如何怨
出塞，詠歎多相尤。唐時禁網疎，橫議文吟謳。倘
杜陵先生生已諱朝安，能入秦川三賦難。古雅不異詞客流，
經綸無可見。斟酌文字，留太白薦沔陽。按月
隨浮沅，唐書列文苑。位置相當不

魯連臺

從容飛一箭談笑解重圍
下士懷金印先生自布衣
眼空變觸戰心薄斥狼威
太息之罘射沙邱竟不歸

訪中昌郡丞龔梧生不值

聞君買雕鞍欲殺臨清賊
許身一何勇刀劍生寒色
昔撫古州苗謀種解畦織
司馬如父兄萬涕洒行
賦今猶困半通僥首盡官職
傷哉萊蕪貧僦屋嗟偏及
結交廿五年傾吐出肺腑
獨登魯連臺莫振搏風翼
行旌潞河湄南下庶幾值

臨清紀聞

土人曰鼠賊王倫以八月廿八日起事戕壽張陽穀
堂邑三縣九月七日入據臨清舊城二十日京兵
合圍閱三日焚殺遂滅凡二十七日

破竹

竊發收三縣倉皇據一城燎原方在野

入臨清島

合排千乘鷁張列五營紅巾同裏額元武竟持旌

引募根株大梳翎羽翼成邪風團白役陰火煽編氓藏

甲分巢穴刑牲會軟盟由來經歲月何況在欄楯可是

防閑密知其保甲明憲堂官醉夢煬竈吏敲榜眾怒

真難犯羣虎乃橫行專城誅有罪守土殉何輕盡體

朝廷意同輸撫字誠無慚有司職易感庶民情教澤
涵濡久閭閻禮讓更渠魁出與皂堂惡襍髮黥威世寧
容此

王師已罷征階庭游國兩市井走膽壯張魯猶函首唐妖
且就烹衣冠羅戮剝淫酗恣驕盈遂奪豪家宅資屯蟻
穴兵綠旗風偃仰文吏議縱橫畫策多奇計含哺久太
平九天馳勁旅萬馬集繁纓猛雨橫空下奔雷出地轟
游魂飛箭羽破膽攬槍竟擲田單炬魚煩白起阮崑岡
騰烈焰伯益顯微名脅從俱無赦全軍不許生焦枯同
一爛斬戮盡三彭肢體河流塞頭顱塹塹威三朝功已

奏萬井宗無聲魚貫屍歸海雞連岸作塋人都塋
京觀星漸識長庚元氣欣終復

鑾輿喜共迎從茲叔仄冷雞犬永無驚

入衛河

開了清水盡渾流莽渚潏潏其源出輝縣迸落蘓
門山東北會漳淇同貫臨漳間乃今燕尾勢北出
東流便挹注臨清合汶滄沽連八百里入海溷揆
泥沙奔別支走潯沱亦如弟与昆南宋大河從此
水獨恬安轉漕永賴之減水坝双門我行諸閘
中坐守動經旬止水放納污飲之藏府翻腹瘼

魚腹泄每食辭盤餐臨阱幸乍脫濁流飲大難
七竅當復塞混沌紫孔艱投膠使浮沉厥性重
以頑可憐北游人乃欲易胃肝將欲買征軺更懼
暑暍患不如泊田家一飯老瓦盆再拜借軍持
古井無波瀾

兩吉士詩園進士陳目作

公子積憂患高識賤溫飽四十入詞林孰使才華
老危哉賈董身富切恐終謝鮑頭白辭賦中身後
但遺此我足前車人所學何足道錢百泉世錫
畢竟苦學人不離文字職久拋鄭虔醺終寄南此

救友君諸生中老眼能早識才高境最艱至此繁
憂極天心轉獨遲亦見壅鹽力汪容溪注

聽說

聽說男身襍女身折骸交臂死橫陳隨波流過田
橫島貽笑英雄五百人

血共川流杵可漂填河新鬼怨嫖姚積屍星底占
兵氣曾照臨清水一條

粧點妖僧役鬼神盲翁獻鼓唱王倫一溝行潦梁
山泊何處包藏卅六人

悵惘

老樹思吾曲檻中。家人懷我小池東。初生孫與新
荷景。不識天涯有阿翁。

輕紈團扇藕花香。各換生衣坐晚涼。四箇月程三
父子。燕雲齊樹各相望。

銷夏園林記。去年疎簾清簟月。斜穿誰知新岸沙。
如雪五月披裘衛水邊。

自古遭逢不易酬。身微敢乞主恩優。當官擔子如
山重。未上肩時已白頭。

勅罷文詞忝竊心。雕蟲刻鵠少年任。許身多少當
爲事。底用簪毫賦上林。

讀書不如袁豹多
中年其奈謝安何
平生最有襟
條感怕聽秋娘掩面歌

阻北風

阻水期完便阻風
荒陲長日掩孤篷
人生蹇滯都如此
顏駟馮唐一世窮

南船負重壓波橫
北舫迴空掠水輕
收過熱腸看冷面
朔風真箇近人情

寄懷鍾介伯孝廉

錫圭

親舍塵生子舍荒
隔年哀樂怕思量
知君掩泪藏園裡
不敢重過戲彩堂

為我前番廢夢莪生徒經誦近如何王哀舉目皆
悲苦豈但風詩感觸多

漫興

泥沙一斗水三升天濶人稀路屢崩夾岫土牛
疑雉堞沉溪烟堠似魚罾顏垣破壁誰留剩
瓦銼柴扉迭廢興八百里河盤鳥道愧他江
永直如繩

讀莊子

迴波漫與認風紋刻水誰能記艣痕事過烟雲
寧有跡夢移枝葉搖無根周旋起滅如觀劇問

辨史離是寓言一種文章成創格合教仙佛作
兒孫

喜雨

竟以甘霖沛連村土脈疏淳真宜稼穡旦可出犁鋤
魯豫飢無患春秋雨特書郊壇應報祀還賀
聖顏舒

入直隸境

自入河間路間閭氣象殊舟除客心戒岸絕乞
人呼土屋平臺接柴門葦箔俱休吟數錢女高

野

婦角市
野泥塗

隈東盤渴旋厓多
新港文鑒坯成聚
落行汲借
陶甕雨足農談健
民安夜柝拋滄州
堪取醉青
旂出林梢

靜海訪晤龍鶴柴盧使

昔共君銜卹今看我出山
縷衣猶挂體塵鞅敢
偷閒識遠持躬約心平
治獄嫻如何客駟馬蕭
索一柴關

西有三吳異官仍奕世
負立家租廢宅充爨積
勞薪不染原臣節無欺
即古人門前丁字水
廉讓兩泉均

天津

重鎮開屯衛神臯歷海門鑒財通食貨制用策
牢盆魚鱗蘆中市第瑟水畔村風詩詎子夜聞
說近淫奔

采芝曲應王健菴大令

自古無神仙大都妖妄耳長生學道本寓言至人真人
皆逝矣千秋之名乃為壽不在形骸長不死靈芝是何
物瑞應祥符間七年獻至九萬五千本不見真宗白日昇
青天五穀不貴貴瑤艸牛食天書亦能飽不信良常之
人能夜書七竅螢光同了了想君昔年作吏時百姓不病

復不飢老者康寧少者壯茂茂燕變秀兩岐彈琴賦詩
即仙令何取黃冠野服譚希夷當今盛世賤符瑞亦無
冠準与丁謂勸君庭下樹三槐莫把霸茅腐腸胃

王迴瀾教授留飲安舫

再把論文酒經師老鄭燮燈明雙白髮花豔一青瓊
福相當時貴怡園逸事傳沙堤今漸沒惆悵五雲邊
晤巡漕陳寶所掌科前輩

手握專巡節風清轉粟帆黃門列行馬碧海照氷銜別
夢星霜改詩情水月絨迴思東閣夜各有舊朝衫

入白河

遠派經榆塞飛流瀉赤城南來稱上水西下說孤行勢峻
朝宗勇河分轉漕平如城篁港壩真仰廟謨精

將至河西務懷同年胡柘塘司馬

廿五年前直鳳池紫薇花底共栖遲浮家佐郡
袍如草貸米監河髻有絲衙鼓放參節屋靜
賓筵感舊故人知明朝走馬蘭臺去東閣晨
星忍再窺

題澤州苗宗甫孝廉

今琮一瓢集

霜紅龕後數蓮洋馮鴈門家勅教當太息國初清
老盡唐風將熄午亭香

鄉人前輩例能詩摩詰香山孰抗之不道澤州苗。

季子手持牙齋出偏師

北學謳吟拗字多名家聲律苦傳譌君能淨洗箏
琶耳譜出鈞韶唱太和

冰雪聰明月露才七襄雲錦會親裁憐渠心似光明
藏碧海青天眼界開

題苗宗甫小照

復陶豹易錦襜褕白玉山身美丈夫三十熟精文

選理建先才子阮元瑜

智珠瑩徹轉華嚴不許塵沙跡象雷線信深人無淺

語澤門終勝邑中黔

至河西務始知柘塘正月下世歸櫬已久黯然傷
之成四十字

泪落迴帆鼓無由叩寢門浮生同逝水孤櫬逐星奔
對隗曾侵媚原屏久負冤恐多身後難空有趙姬存

雨過

雨過帆腰重灘迴槳力柔雲衣隨去鳥風慢落
鴈鷗酒趁輕航買魚看細網收江南楊柳岸
翻欲小淹留

月下憶藏園

十分圓滿月三處別離心。燕久辭新壘，鴉才繞上林。涼雲依水榭，香霧襲羅襟。同在清輝裡，翻芳夢遠尋。

半灣紅蕖蓋一桁，碧闌干。幼子行冰簟，童孫拜玉盤。園林宜永夕，姑婦詠長安。那識沽河岸，同兒坐夜闌。

通州餞家戰門司農衙齋

十四年前別江南，雁影分重開。臨水席小駐，出山雲風靜。舒恬翼波平，展練紋黑頭。官令僕安，吉縫先芳。

登車

雷霆雜旋輪塵土埋七竅脫身風波中曳尾泥
沙道筋骸近衰頹意氣殊壯少眼昏三里霧心
怖一塵謀譬彼轅下駒老怯市門溥路逢駟
馬車或有八孺導常時戴笠友相顧成一笑

過貢院時六月廿二日 廷試五省拔貢生知廉
與焉

兵衛森嚴繞棘墻喜聞多士賦長楊人登拔萃
古科目文戒效顰時世報未許風簷窺子舍似
乘羸馬過沙場懷中亮盡干霄筆老去

相如髯有霜

喜晤張樵山太守即假館新居

傳驂尋夏屋吹火解征鞍
看面都含泣懷親已蓋棺
偕眠高士榻重飽故人餐
試向從軍樂休言蜀道難

見知廬

席帽原寒士京闈異省門
文須防勒帛書莫誤金根
述事陳家信思孃掩泪痕
移燈呼小弟絮語各寒溫

往海陵車中疾作

積損乃成衰此身為苦器坯瓶本難持四大豈能
治曰地水火風增損各殊異藉茲車輪轉動操
不可制海水以升量血髓誰布施鞭撻分重輕
五百悟前世安得金剛手洗病出思議

宿李寶幢學士直廬竟夕顛頓承延達

開學

精

診視并感釋石先生彭衣春侍講

朱石君前筆垂問

頭風旋颺輪心火炙丹穀可憐翻翻身不異
受風竹迴環瞻病人供養稱具足就中月明
王或為盲者哭三藥酥蜜油持水手且縮

故人懸寶珠莫照黑暗獄我欲執幡脚生
命同畫燭

久病

身如潢潦積泥沙病似波瀾遞滅加豈有神
漿生暖甕難求上藥長黃芽三塗自駭餐
銅汁五衆焉能轉法華二萬一千煩惱極波
羅蜜味在誰家

遣庶讓南歸

兄赴科名弟壯遊分裝先後到神州有司放汝
還家好不寬予早達愁久別常尋將母樂

新涼便買讀書舟。後知病骨。近秋健已足。
能餐粥兩甌。

秋客漸換。柳將翫。新嶂依稀。認水痕分壘。
文詞宜白戰。對床風雨。耐黃昏。計程心被郵籤。
熟撻擲詩成。舊韻存不許。驚波喧藥鼎。夢中
隨汝到家門。

移居粉坊街石家舊屋。悼良東主人。

後齒苦猶在。屏風墨尚留。寶船隨逝水。珊瑚
落虛舟。曾醉歌筵月。難禁病榻秋。無人肯堂
構。枉自築荒裘。

永樂菴視四兒斗郎墓

九聖吾何忍 桐棺汝久殤 一杯依淨土 廿載瘞

空桑入夢兄 彈泪知魚夜夢四題碑我新腸

揚州建隆寺悽慘共斜陽

得舉第三孫信

可○厚○十○齡○能○誦○經○阿○如○歲○學○趨○庭○櫛○邊○三○載○

種○梧○竹○花○底○一○朝○添○鵲○鎮○繡○襦○深○頰○王○母○親○衣○

啼○聲○都○藉○故○人○聽○知○夫○擁○袂○看○家○同○啟○曉○

安○聖○御○玉○瓶○

得舉第六女孫信

第六琴徽映掌珠。蛇吉夢報將雛。瓦隨藍
玉占三索。生是青溪最。如姑目秀比。元腫似水身。
妍如姊。雪為膚。吳陵禱。應姜姬。鶴能與光。
威。鼎。三。無。

得舉第四孫信

送喜燈明。栗蕊垂。貫珠書。展字累。神光交。
映成雙壁。雲氣新。統第四芝。甘味遞。分難屬。
簾。烟樓同。撞亦堪危。朋來若。似簇家。倒排。
卦。應名是復兒。

東坡賀子由生第四孫詩云朋來四男兒大壯泰臨鎮

題吟翠軒集送楊夢谷出宰

裁詩花骨錦屏開。豪豔驚看一代才。不是文章
幸惜命。達要將卓魯。自換鄒枚。

一賦春陵見性真。印牀邊自有詩人。休言才大
難為用。滄海橫流要此身。

讀書眼光如月明。調和元氣養民生。著書畢
竟空言耳。韓范功名在此行。

公羽潭溪前輩得宋槧施鳳元之顧鳳泉
繫同注蘇詩舊本即宋錦澤得于常熟
毛氏者內原缺十二卷裱者羅煥凡破碎
方幅皆裝潢襯托完好同人作詩予亦題

之

放翁博雅人不敢注蘓杜孰為毛鄭箋乃有施
與顧坡集弛厲禁大題及南渡詩缺十二卷嘉
泰鏤可據毛氏有宋本錦津昔收護刪顧而存
施改竄多謬誤重鐫行已久誰復知故步雖載
居易錄查本聯益附堂、覃溪翁望古器選
纂寢饋書城中雉堞金石固摩挲殘缺編一
手題署可憐明月眼不許罽烟霧灰絲塵
清間探指攬瓊璐忽得高印遺卷帙尚如
故幽香出籤暉古澤浮紙素如展百衲帖窈

比三館或為蟬翼鋪或簇蟲眼蛀裱手記羅
煥書格欽漢孺藏之寶籙室若士獲奇遇函
疊篆籀書卷識雲雷句匡廬有真面俗士
爭撰著兩脚說兩腳宋槧亦可懼龍山在濟
南施注且未悟深知考訂難敢妄任臆疏出
卦邵青門厥罪未容恕補王牂明画修楊惠
之塑施宿訂石鼓久擅家兒譽倉卒坐周內
梨中亦逢恕不但吳席臣舊遭題文姑向聞
滄浪集亦出元之注鏤板三衢間漉滅落何處
我登蘓米齋疑榷山陰路目眩湯盤銘神奪

禹鼎鑄伯修屋三楹楮盤富家具蘭臺前
後集夾漈志名數宋鏤倘更存請君搜四庫

再題施頤合注蘇詩宋槧本子上

歷宋元明本豈完到商邱又到長安青山外樹
雲邊月佳處真宜缺處看

奉誠臺榭午橋花看到子孫能與家詩境重開
天一閣萬條書帶長新芽

唐季勅建琅邪王王審知德政碑歌

碑廣五尺丈二長書卅四行銘八行為文二千四百十六
字前後款識一百三十四字皆可詳後來廟號

追稱閩太祖當時生爵自拜琅邪王天祐三年王時
四十有六歲前年朱溫弑帝于洛陽賊假朝命為
駕馭請于福州立廟資藩壙可憐作者于侍
郎就烘霞布彩供鋪張及今舊碣豐功未磨滅
偉哉虞詡同張綱等嗚呼水西大王廟已圯王是
金輪第三子潮蕩巖崩矢口出請看南門節
度使拜劍三動且讓先義不帝秦皇用尔王家
三龍一人勝一人進封閩王位雖真雖躡麻鞋穿
儻約寫經佞佛未免凋金銀傷卦劉翹天父子
方立生地獄不如無邊設會慈悲因好儒求

書亦可取乳世文治乃在聖唐演乾寧三年王襲位同
光二年乃堯逝二十九年守臣節天与春秋六十四後唐
神道碑撰者張文蔚開寶所立忠懿祠即是琅邪
舊時第錢昱之碑亦罕傳漢將軍不稱皇帝我聞
延鈞殺弟頌者兄不若先王屢受軍門箴吁嗟乎
乃翁好佛兒好道寶皇傳語仙人笑先王夢責
衣冕加即位飯僧兒不孝是時羣盜各稱雄王
与錢鏐能守忠皮光業撰武肅碑世有搦本持
母同後來和凝亦為文穆表神道可令李巖陶
穀心中莫喚浙人作東甌与尔先王同不死五

十三年七至更醉夢兒孫族遷矣嗚呼騎馬來
騎馬去白馬三郎功績著生前廟食剩穹碑不
怕屯軍割遺墓君不見城傾佛壞等泥沙作
者黃滔漫尋處

晤駱氏姊石蘭作

十有三年別客顏累更才名傾命婦詩筆歷
書生夫歿心同死兒孤泪哺成最憐雙女逝風雨
珮環聲

蕭條依快壻悵淡葵心親釵釧存都盡飢寒弟
益貧難消奇士氣猶是丈夫身默掩殘書坐明

年六十人

梁空無燕壘屋小類雞窠
新婦難同住荒庭奈
尔何買山錢散漫營室計蹉跎
自古生如寄排
憂旦浩歌

有妹難歸葵吾曾掩殯宮詩傳才調集身化可
憐蟲掃葉碑終碧招魂鶴變紅迴思滕閣宴湘
瑟感無窮

瑞金楊節婦詩應羅臺山孝廉

有高

太歲在庚午乾隆十五年秋見楊先生

于位

豫章

講席邊南昌縣志絕舊本制府馳檄飭縣官

我時偕先生共把書局筆先生白髯霜綠坡
往、酒酣聞太息云有新寡婦既烈且孝年
二十奈何奈何雙涕出我為請詳翁乃默閱二十
九載我復官京師扣門云有病客來叶病中迎客
噫吁嘻臺山我友前致詞袖出節婦傳乞君病
裡詩展視一再重嗟咨楊先生痛其若斯賴節
婦聖休子楊家四郎名其琚既娶而尅病不起
事親立後托賢妻不許從夫等閒死夫既死不
復生婦死數二矣難捨姑哭聲嘶而曰吁夫去
幾日歎或曰一旬憐汝姑哭兒哭媳盲且癯婦

瞿然起拜女賓敢不苟活未止人立孤元潼甘食
貧粥食具膳羞兩親洗面以目三十春元潼跛
十餘齡以痘殤婦荒老姑病革別請婦脫珥
獨酬婦苦辛迂哉楊先生尚以假怒試婦心婦
心百鍊瑞金金節婦五十未得旌文人傳志奚重
輕天地限之此生嗚呼節婦何有名

吳百藥侍讀招飲接葉亭次壁間魚門編
修舊韻二首

小別十五年復此共樽酒情真謝周旋意乳苦雜
糲先生閨闥根聽語無可否再拜明深衷但以

筆代口疾書言不文屢荅旨弭厚貲眉看猶
昔中有谷神守定靜如南山鎮歷萬人數豈無
朝市文獨重文字友高情挺竹石古色照墨占
憶我直中書密侍前賢後淵、溟渤懷涵納
無弗有論事丞相閣同輩多俯首公言每抗
爽往、獲魚取乃知經綸才不愧批荅手三年
蹕黃扉失笑牛馬走如餐冷淘鼓復以寒
冰漫附贅蟲處禪請急覓放濶經師忝
馬鄭文筆裴歐柳負土願已畢出山事亦
偶重尋老驥櫪却鼓大耋正鵜膏繼能

萍桐魚恐難扣自凜磨甍箴敢占納約牖坐
披長者風拂我異颶颶啓言入琉璃瓶無隙
染塵垢琴書聚六一花木羅十九敬酌主人
卮起舞為公壽

綠蔭房櫳深香重簾帷軟花含思婦情泪
濕燕肢淺牆陰簇盆盎謹避斜陽轉周渡
翠鬟圍罷亞紅粧滿屏風列姬姜薛此朝
霞宴先生學道人頰懼西風短聯借貯春
和一媚秋堂晚茲亭昔賢遺附益開池館
澹素逾深幽不假事雕篆我本麋鹿姿

天性樂町疇雖無修衣田亦置菟裘
成身出遊母乃計非善翰君接葉園自詔
讀書眼觀音大自在聽色天所限衆生苦
聲聞兀兀庶無覩

題張菊坡十六員外畫梅

越州畫梅童二樹手口終年遭墨污橫撐倒
植不自持常使花開無紙處揚州畫梅羅兩
峰樹梅花立放翁繁枝密蕊益踈澹清
氣一洗山林空鄧尉西湖遊幾載更坐揚州
香雪海棠花間沁釀魂魄香不借丹青飢渴

解燕市尋梅亦大難。偶逢一株如得官。往來
風雪不快意。只好壁上披圖觀。法曹張君有梅
癖。暗香疎影填胸臆。拍輪忽放鐵了又。牆上
橫排古戈戟。腕力有餘邊幅窄。一丈中藏千
萬尺。枯槁獨挺百鍊剛。神臂橫開萬人敵。黏
芭蕉夢如有香。黑夜能生虛室白。胸懷如此
定高寒。常與羣芳異標格。病中看画雙眼
明。未見法曹心已傾。安得兩峯二樹同把臂。
寫我四壁成花城。兩峯嬌女能画纖。指拈毫
比風快。舊寫松花壽老親。今隨病裏空齋

揅我如梅瘦花久凋官銜老畧冰一條法曹
漫訂花前飲只恐江梅不入驕

程母錢孟莊夫人為我座主香樹先生長女
才節素著今就養公子中伯舍人兩第子
因名蘭姊氏詩叙通門之義登堂而後敬
饋以詩

憶昔隨夫子知名說女兄松筠為氣質冰雪比
聰明習苦能甘節宜家感利貞燈前彈老泪悽
惻語門生

十五子歸日三年舉案身總稱共命鳥竟作

未止人擎掌珠猶小舜粧鏡自塵誰憐謝公女
從此耐清貧

匪石心難轉奇窮得未曾賣珠炊粒米衣葛履
堅冰門祚哀還振書香額復承朝衫霑母泪
孤子幸能勝

艱難尚書女五十太夫人端月廿七嚴相慈雲自在
身典衣時任俠剪髮故留眉慘綠多年少年爭
移孟母鄰

我姊稱才節名閨若第昆登堂拜賢母引義
托通門齒愧郎君長心銜舉主恩白頭知己泪

懷舊每銷魂

胡雲坡司寇贈三十二體篆字金剛經搨本
作歌報謝

摩訶菴中篆字金剛經三十二體各異形始洪度書
終侯恪陳萬言跋殊簡明曰經集篆始五代十六體
本僧夢英黃蓮洲邊浮一篋攫而視者汪中丞金
剛力大鬼神護貝葉不染蚊涎腥門人洪度鐫木本
廣為石刻乃資衆手成有如觀世音現卅二相變換
不測難權衡逐段釋文楷法精各皆承點畫日是否
姑勿評万厯戊午己未事敬哉

王崇書後端陞

橫當時神宗孝慈聖梵刹四湧營經營漢番經殿
集花雨九蓮妙相傳丹青承平士夫尚虛寂寫
經鑄佛同輸誠阜城門外現丹碧琳宮九所羅
郊坵嘉靖丙午此菴建中官趙政藏其瑩獻皇
御書萬物育左碑費相吾鄉宏舊聞編載
獨遺此篆刻或者竹垞未履空王庭賢卦正
德年間晏常侍志趣可以慚儒生請觀宏教
寺壁聖賢像忠臣孝子如鸞鳥傳金籠函五經
去升祀器先正謨訓多藏扁嗟尔翰林先生習
妙諦想見昔日霜毫筆勝緣福果喜如是

盧裕蕭瑀可免銀鍔刑我聞墨謨工隸作經編
二十三部傳摹行不知何處有寫本當與此刻
相連并司寇好古命捶搨完好不壞金剛靈
不知菴邊紅杏尚有幾千樹與君並馬遊畦町
摩訶古壁麝煤潤墨妙不亞湖州亭

臘菊詩為吳翁碩興作

治牆留對朔風開偕老祥徵晚節倍卅載詩
傳婦翁詠九秋根出澹人栽能隨蒼葉近冬
雪應共山磬友臘梅何必揚州画紅葉冷香
還占百花魁

塘栖卽門雙節詩

嗚呼徐母司空孫以妹選姊歸卽門姊遺四齡黃
疸兒病骨不死由母恩兒幸不死夫遂止雙雛繞
膝姑在堂遺腹既誕數月殤洒血作泪霑衣裳授
經爲兒講萬章甫葬一喪又一喪哀、寡婦攀
轅哭薄產入官官許復乾隆癸未朝命旌
塘栖鎮西坊趙、母老喜孫新婦來沈文舉
女真泚哉三載而孀誕女歾不若祖姑存兩孩可
憐緇佛同長齋佛不見聞人心哀新婦隨姑
具甘旨居祖姑喪皆中礼康節清夢流十世

節孝相承故如是祖曰宗元孫曰駿兩代米霜
能立命嗟哉邵棠宗元子也寡媳孀腸斷
矣詩人歌詠豈必傳願棠他日作史官

邀龔梧生

孫枝

郡丞小飲離垢方丈

宰官身現兩瞿曇閱遍人天万態請啗和飢
同餐画餅文情絲各吟春蠶微塵補救心難忘
結習詎吟老更耽二十五年燕市酒地鑪重藉
指尖談

柴車七尺比鷄栖涼叟全身學馬蹄選佛寬
金存地戒衣花冷絮沾泥觀空且待塵緣盡平

等真看物理齊笑曳青衫
翻酒暈明朝離恨
不須提

南唐僧巨然茂林疊嶂圖上有曾似道悅生小印
後湖不賜東都鬼秘笈都隨上陽燬降旗影裡
畫師身愁寫金陵舊山水宣和所藏今有無忽
見茂林疊嶂圖兩峯中新出宮觀戢、簷瓦魚
鱗鋪蜂房燕幕意深遠劉道士同師北苑五為
賓主畫中人一倒雲烟終過眼學士院壁山嵐翠
銷剩水殘山吊六朝姓名耻附南唐史絹墨欣
逃劫火燒悅生小印和無損依稀葫蘆道人金

粉圖藉空留。狎客評江山。暗換元人本。我聞
同時尚有應之僧。析法妙寫楞嚴經。即看畫
聖遺。乾華誰與書禪續。命燈

集吳太常引藤書屋用禁體詠菊分
得昌黎體

南山轉西顥。老圃托元覽。春茲晚節人。同坐斜
陽澹。荷枯桂亦凋。寒動氣將慘。芙蓉遠莫
辜。治藕意寧歛。托根性故幽。應節芳可墜。
手簇、舒冷姿離、歷秋擔。順候欣已榮。于道
未云闇。屏張體相亞。席接態交掩。朋從色

愈佳類聚吾奚感倘許充餽糧實願謝昌歎
戴服塘工部典試臬西達徑漢上王達心郡丞
為作晴川晚渡圖

一江秋水影涵虛八月靈槎得意初絕勝漢庭馳
檄使高文典冊用相如

不羨神仙控鶴行江妃含笑拜雙旌才人得志文
章貴醪酒還應弔福生

尊前欣舉故人卮司馬原稱老画師一展霜縑
一懷舊晴川樓下送君時

秀峰汪七員外貽菊花十盆走筆報謝

一徑蓬蒿正掩門故人北到滿籬根如移十里
依屏幃宛集諸賢醉瓦盆制我頽齡年命
永共君晚節笑言溫題襟試舉某黃會者
有杭州舊酒痕

徐條甫編修家慶圖

花木都隨色笑和壽雲低久寫行窩白頭梁孟
長生耦管領神仙眷屬多

誰道長安不易居五雲深護寓公廬兒孫繞膝
年光永不解人間歎倚闌

依、四十四年身祿養兒原負來人一枰蘭若

滿階箏隨肩都是石麒麟

積善人家瑞靄氤
慢亭真見武夷君
憐他白首為郎者
親舍遙一說望雲

鐵琴引為張晴溪司勳作

嶧陽老桐化為鐵
郭諒雷霄爐鑄別
龍池鳳額初鑄成
鳬掌人肩皆妙絕
當年躍冶尾不焦
火力盡時金氣銷
軫暉岳柱一附綴
搏拊有人心手調
琴名天籟誰氏作
項家因以賴其閣
中有蘓門寫鳳聲
此語傳聞疑未確
清河藏弃亦有年
酒酣出示真洒然
鉄板銅琶已迴避
請君試看朱

然絃吁嗟乎形模似出穠生鍛一錯何須六州換
廣陵散久絕人間井上梨窟悲三歎

詠黃石齋新碑硯

海鹽張君燕昌著金石契載黃石齋新
碑硯搨本與裴文達公所藏陽明先生
駙丞署尾硯同是東坡墨妙亭詩刻
之遺背而東北角刻隸書新碑二字
東南角刻道周二字小印中央四寸許圓
如月西刻細字銘曰身可污心不辱藏之
年化碧玉正面坡書四行曰吳越勝事曰

書來乞詩要曰尾書銘藤曰視昔過眼
共十七字多陽明硯五字高三寸廣四
寸此為上截中尚隔四字下截乃陽明
硯也今在桐鄉汪氏求是齋中云

墨妙亭碑幾時斷我及見聞存兩硯前有
陽明後石齋各剪寒雲收一片陽明之硯
崑裘公我曾賦詩銘旌東及今又見石齋遺
四方平正凹其中十二字銘心不辱已拚三年身
化玉道周小印鈐西隅久伴孤臣同窳逐皆
十七字坡公書廣四寸高三寸餘較陽明硯多

五字後來寶者同。瓊琚先生幼年居石室。自
號石齋。堅以栗平臺抗聲。辨忠佞。不如鄭
鄴言真。失君臣本無際會緣。難。以口舌爭
賢奸。豈若龍場。駟中住。灘江永。成天公憐
烏程宜興。交射影。多謝吳姓。將德環。國
亡。虛摧九千兵。碧血丹心。愧公等。嗚呼文山
石友。玉帶生。墨山。黃。卜。栖。橋。亭。東華門外
心如石。血洒殘碑。哭孝陵。

錢忠懿王金塗塢歌

表忠譜載金塗塢高六寸重卅五兩造自錢王

乙卯年入土無人拄牛杖是歲忠懿立八秋顯德
二年王佐周銷鑄銅佛鑄泉貝詔廢僧寺來
杭州錢王造塔懼切令埋瘞地下同幽囚史稱
吳越重聚歛裸民以篋為衣裘支提塗金滲
膏血求福慙累王清修古來阿育王生金色
子姒妻易以彭亨承遂令八万四千婦王忽誅
之同日死後思愆罪建浮屠各以舍利承其
跌道人手掩日輪影旭彩四射同浮區宰
堵穢多恐無益芥針束葉年尼力犍載
如山納汴京劫殺雖逃民骨立此塔出土萬

歷初顧家

耿光

振自虞山隅鄴陽姜

老年與

秀州蔣

與齡

各一所得形模殊塔輪四面鑄

佛像割肉捨身鷹虎餉王能納土救衆生不
在區一請復相嘉禾張生示搦奎桐鄉金氏
收藏謹五百獼猴試繞看乳滴菩提身
不損

詠趙忠毅公鐵如意

臣掌選司陳四害臣掌都堂論四凶澄清廊
廟是已志豈肯低頭魏進忠呼臣元凶具十罪
皇天后土知臣衷坐職遺戍心死向不見逆案

死且恨平生烈性百鍊剛隻手焉能挽天運烏
金如意剪黑雲誰与鑄者張鼇春七星五岳
拱八卦圖書映帶雲雷文其銘二十有六字堅
重真為君子器廉而不歲鉤無饑舞歌兮
折臣之志身圓頸方尺半長上有葵花向
太陽雁門相伴死宜殉幸未附棺埋此印袖
中恨少司農笏虛說三君同元一莫向宣州
吊老兵此即錚錚忠毅骨

題寒樵圖

并序

詩書其山也道德功名其薪也而聖賢豪

傑通樵之富貴為山則聲色貨利其薪也中人以下互樵之若夫才士以文辭為薪乞人以簞食豆羹為薪鳥獸鱗介以食飲為薪草木以雨露水泉為薪遂各樵其樵然而皆不可寒也靜山陳君本清寒之士當讀書應試時固曾以文字為斧斤科名為薪也樵之不得乃以書畫為斧斤而樵其食与衣於名公巨卿間薪或盈擔矣而肩臂亦然每不能負荷及竈突無煙而又樵之如是者十餘年今且以微官為山林薄祿為薪以斧

走應對為斧斤於戲其寒則如故也亦可悲已
君為人介直感慤重唯諾與人交輒諫其所不
可刻苦食力有所不為蓋不幸而不能樵聖
賢之事而中人以下所樵又不屑屑五十而
仕無已豪傑之所樵尚能勉焉皖公山秀而
水清諸大吏多君子郡守而下皆知飭簞簋民
樸而俗尚儉約君此行或遇知己則數年可得
一印官當更以教養為斧斤使民各樵于孝
弟力田中黍谷陽生春迴暖律冬之日固可
愛也寒樵云乎哉君其勉之

翁子營樵蘓少陵拾橡栗當時山中人飢來驅使
出可憐旅食京華春不能上書金馬門胸中五嶽
起方寸筆底萬壑開煙雲通侯上客名鄉友墨汁消
磨三百斗墜壁爭延老画師張屏共乞臨池手風雪柴
門夢不忘皮肉凍皴手足僵吮豪自寫寒樵影索
句分題舊草堂湏臾柯爛殘碁了五十之官身未老積
薪自古後來佳啖蔗難求初味好推移冷暖換陰晴莫歎
肩頭擔子輕君看五月披裘者肯為黃金損全名

再集引藤書屋觴菊

舊書不厭讀良會可重脩久挹香逾冷相於

友故佳賓仍延壽侶期滿太常齋細把秋英數真
宜澹懷

羣卉豔俱謝幽芳開自遲樽餘銷夏酒花買
殿秋枝卷幔篩藤月移燈倒接羅病身欣轉
健南菊再逢時

吉羊洗

象物而制器于義得魚取范金別形模量
集升斗自鍾磬鼎彝盤盃及樽缶鑄鑿龍
犀雕螭象饗養有角齒耳目鼻腹背身
足首各狎狎娑娑法戒刑美醜商周逮秦

漢法物者垂久不但函人函合甲三百壽銅洗
東京遺滌器吳人守流傳見搨本我欲鞭其
後銘鐫吉羊字腹以虛能受不黨吉事宜
婚禮贄无咎無露羊為祥无執贄儀示厚是
以无嘉刀宜尔唐王其說文与釋詁雖各相
辨剖儀礼置洗疏考据難可否存之几席
旁儼若對者尚嗟其聲主簿莫是癡就
耦倘識初无兔疑即修羊叟博古亦大難
真贋孰繩糾癸酉己巳鼎慧季高州自比
附互矛盾聚訟訛十九玩物恐表志辛苦注

蟲蚪勿貯蘊之湯請感陸骨酒羊脂能軟
銅老鞞防骨朽中有未位神石与臧穀友尔
羊昌来思叱：蘓鄉藪

李訥齊太守留飲令子東来編修寓齋
感舊有作

万事浮雲過太虛隨身琴鶴更無餘微叅已
透傳燈錄相賀曾翻失火書百鍊剛原同鉄
石九還丹又轉河車同自揖讓田疇治見詔
官民父子如

曲池風月記當時一桁紅圍繞碧漪犄角酒

兵成轉戰常蛇文陣出偏師鶴挑華表愁無
奈鶯唱平山醉不辭却常郎君修史燭簷花
重點故人卮

吾謂申之即世確齋近客揚州

牢之酷似舅風裁經席曾呼小秀才習禮趨
庭三鳳集簪豪作賦八叉推牙床已付傳家
笏珠樹都成合抱材慚愧蕭郎騎兵老尚隨
年少一登臺

秦家味外閣古松圖

閣四百歲松千歲厯盡冰霜有餘味秦家東
築味外閣喬木居然丈人輩安吉人家一畝宮

松身愈健人命同父子孫曾閱四世昔日小兒皆
老翁根本無傷宜壽考菊井砂林何足道
兒年六旬翁八旬同聽雲濤賦難老六朝古
松西園中極霞九老香山此株獨立虛庭東
欲侶漢柏真秦松舍人笑捧披圖酒遠祝重
闡似松壽化年歸杖舞萊衣松定低頭呼
小友

物情

十五年前少壯人重逢鬚髮半如銀從知面以觀
河陂自笑家仍立壁貧飛鳥入雲爭比翼潛魚

依藻各相親物情甘苦天游淡列子莊生互
主賓

那有千秋萬世名蜂蝶飛舞蝶忙爭遷移境界
誇宜稱領受寒暄本性情晚菊傲霜仍代謝黃梅
迎臘豈長生輪囷終讓南山石不聽人間毀譽
聲

對月憶藏園

一片長安月分光照小園簾垂千里夜燈暗
兩窗軒樓影臨花重書聲通竹喧中宵神
往歎歌枕欲忘言

早朝口占

澹水衾稠穩卧難重裏猶自曉見衣單籠燈出
院奴呵手霜月橫街馬怯鞍十里車雷衝尾
住五更門鐏轉籌看雙膝八座倚呵導爭擁
袖輿中一樣寒

酒面生寒冰在鬢彩闌鬚禁步徐九天風
軟人間冷老輩班宜後進疎仗外馬隨馴象
立殿前燈是燭龍擎六科廊下迤巡坐只有
詞臣少直廬

克什泰何堂堂鑲藍旗人贊禮郎習國書識清字耳
內不甚知聖賢性中獨自有仁義一妻二子三十餘出
入乘一馬亦無婢與奴凡其所行事皆曰古丈夫官滿當
外補送者來塞途哭聲哀哀手執袪古丈夫去今更
無江寧進士曰龔孫枝歷仕到古州官理苗同知文士作循
吏才大而數奇以事鐫級走京師眷屬二十口孰救寒與
飢後官尔何人是為克什泰前官衣食我任之他家飽
暖吾心快如是五六年施者受者皆自然但曰前官是好
官龔君遙遙感且歎及龔倅東昌家人始團圞一舟素
旄經河干嗚呼古丈夫死矣身在棺是時龔奉檄往督

糧搜還遲遲半載冀遊長安訪于太常街孤孀漸飢寒
冀哭失聲相慰勞苦貸錢買屋奠厥居醜酒頻澆趙州
土二子十餘齡當延句讀師雖然世稟仁義性亦須倍誦賢
聖詞嗟哉奇士適遇之義行更為古所稀奇士名涵是為
君從子年二十二美且都從君遠到長安市涵婦翁
方應綸承東鹿台涵婚涵聞兩孤且廢學長跪叔前流涕
陳克行生誼叔死誼涵請暫留贅壻身斷齏畫粥偕二子
或者師弟皆成人叔笑且悲告卽嫂孀乃擇吉延師云嗚
呼三義士先後同一轍誰道今人棄如土各以酸心傾熱血
噫噓唏請君讀我三義行一死一生見交情君不見黃

金滿籬惟自固轉眼兒孫啼道路

題孫雪居

克宏

董香光

其昌

書畫合冊為香亭

太常

燒銀燭倒玉壺坐我朱家船
閑君顧氏厨前幅番
素絹鋪後幅葉金牋俱絹出
漢陽老守畫篋
為華亭太史書太史為誰董
元宰老守却是孫
雪居合裝高廣八寸餘是
先有書後有圖官解
楚綬詩寫唐賢香光四十
有七歲万歷二十又九年
再閱五載始補繪各成八幅
同流傳詩含畫意畫
詩意賤子細陳君勿喧
前四幅似閒居時
閑門底舊

有所思苔色上衣坐深院雪樹入酒啣空巖玉樓自招
翡翠宿緋袍孰解懸鶉悲其後四幅別有托隱念
征戍嗟似倚玉門春老怨羌笛五溪客過啼子規
尖峯割腸故鄉遠海風吹雪驚砂飛我詩已懼
慘入骨讀画更覺寒生肌老守前題墨妙額
太史後跋含魏詞承平士夫尚文雅執林朋友
無嫌疑當時兩家書画數層本尋常供求取
藝材或堆門士稍練裙時落家姬手嗚呼老
守無復見太史亦未多可憐君畏昔藏書不識
香亭今摩沙手燭且盡顏已醜酒龍詩席同作

歌頌厨味終如何

題曹劒亭同年小照

妙相遺羣有觀空一鏡澄
紛華諸境過恬澹此心
仍才大歸游戲官多閑
庶興曹溪存法眼含
笑向南能

再索金門米頻拋駟馬車
芳薪不堪爨陸舫又
移居結習雙龍劍平生一
張魚腹中論得失身
外勿求餘

十月二十日

傷懷五十侍歌筵失母偷生又四年
再更朝衫添

白髮欲陳家祭隔黃泉壺冰零雪兒猶在店

月橋霜婦可憐

南內子已北來

何日紫荊傍卽整老

垂雙泪墓門邊

夢中訪實文昭都督有作篇成而醒

加丈旌旗八面營屯田都與成人耕陳雲風偃金軍
肅沙磧天圍一掌平石馬不嘶春縱牧九邊無警
夜論兵壘聲搖壁衛危酒猶是當時魯兩生

十一月十日家人至

相逢執手泪痕新不見當時就養人家婦隨姑前
日樣壺孫比父昔年身携來家具累却別後

情懷瑣、陳芳燭更闌疑夢寐酒匝波暖欲
生鱗

觀魏青龍三年巨鄉碑額應覃溪學士教

嘉祥古武城中有范式墓任城隔一水所轄爭距步
龍門水口隸金鄉疑是當年埋骨處碑額十字漢
隸存碑身雖失傳魏文刊銘樹墓聲百世此語似表
君遺墳碑文五百十一字原缺五十有六言青龍三年
誰與立鄉人翟循薛縣君廬江名宦漢何武劉馥
劉靖傳治譜史載巨鄉有威名功績無徵孰能補德行
政事原殊科曾閔不入循良歌譙元李業皆不仕仕者

聊復安毒蛇平生不識陳平子尚為經營塋鄉里何況
知交卽與嵩扶植人倫應若此脫驂我殯君子能獨
行之名亂世矜范史書之礪薄俗片石存滅同韓陵
墜溪嗜古世無耦但有煙雲俱落手殘碑斷碣自捶
摹斯籀邕朝皆死友君不見蕭家一字可名齊富矣
君齊蘇米偕素車白馬行空際蟬翼香中定往來

題周希甫舍人遊草卽送南行

客與關河共苦辛詩同丰骨賦嶮峴經年万里難為
子正馬窮冬更省親古有文詞根至性後來作者讓
斯人炎風朔雪周遭徧東閣無由駐画輪

范安人詩為馮秋山作

賢哉范安人幼贅馮參軍范故猗頓室奴婢三千
人參軍亦是晉公子有語不懼驚妻聞安人心愧
富家女折節舉案容溫夫子讀書侍奉勤夫
子落解慙勉殷九戰不能探月窟八年乃偕歸
雁門夫子有弟行最端邱嫂敬同家皆尊夫
妹七齡依嫂居歷十三年規誠循妻不及事尊
婦身小姑失妾慙九原夫子孝友本天真欲
游赤嵌從其昆妻所佩錢國初鑄以順加原為吉
文臨行繫夫衣帶間涉海度幾安且敦慰母親

之不敢吞書達于家妻舒魂禱佛誓願減妾年夫
子生還婦在棺參軍沈儼如安仁默省所歷傷其
神嗚呼希軍孝義扶人倫董台南妻無此賢夫名
廷正妻生介山卒年四十四例得贈安人曰朱曰其將皆
史官銘之詠之永弗諼

竹均此士作墓志銘極佳

題亂仙著色山水卷子應曹墓堂太僕

太平境界無桃源蓬萊亦在人世間。蟬蛻尸解稱
神仙靈氣不死非壽年。天神人鬼飄風旋少公術
在巫覡先玉堂前華山卷傳云是仙筆虛室懸山
水清泚意態妍姓名款識秘弗宣。是女非男然不

然薄霞紅借綃衣鮮淡黛綠沁鵝髮鬢微
拖淡抹偏復翻初痕眉暈元乎元若使丹青渲
染填十日五日功遷延寫疲鶴倦侍者眠此幅
着色猶難全神妙之筆超解詮姑與評賞毋
拘牽天巧不與人工權一切有相原雲烟是仙
非仙皆可憐雪鴻江月奈斯禪

題蔣湘帆國子書天保詩扇扇為子婦汪病
中乞書者孫仲和裝池藏之

杜陵蔣翁腕力真家拜官國子祿未叨幼把中郎寫
經筆老避山陰題扇橋病婦求翁書便面天

保全書賜賢媛莫教墮鳳致兒鯉但願生孫比
翁健翁旋考終遺墨在婦得延年二十載摺疊
常愁屋漏侵開看每懼釵痕改婦身安得兼
九如可憐辛苦將兩雛十五子歸五十卒仲子封肉
娘不甦捧翁遺箴思娘語百遍題詩泪成兩梁
園賓客哭聲多一卷南陔倩誰補哀我亦桓
山禽怕聽啼烏屋上音難分啓筭張敷痛漫
慰黃香伏枕心

題東坡天際烏雲帖墨蹟印和冊中九首原

韵應章溪學士

老友夢中詩
惆恍官齋壁上字
分明美人居士風
流盡青眼紅粧一種情

銀泥印簇冰蠶尾
寒具油存玉笋尖
轉遍風輪

經七佛八層公案者回添

冊內有唐集柯九思張雨倪瓚馬治陳詢筆墨其昌七人題識

通主蓉城亦可驚
前身俱躡鳳皇翎
殘鱗且各留

文字碑石憑他劫火經

縞衣偷換舞衫紅
淪謫飄零恨略同
難得護花

賢太守一幡斜歷滿湖風

六橋多少落花塵
誰肯偷閒惜好春
消受杭姬十

分慧後先唐宋四詩人

學天君談述古亦坡皆為杭守

風光已換阿荼天燈火猶存載酒船明月易低人
易散看他遺墨當婢娟

笙歌誰見紫髯翁罷遣愁眉唱國風莫買雕
籠閑鷓鴣斷腸多在有情中

定香橋畔已銷魂瑞慶堂前莫再論兩到翁家
真恠事青蠶藏過燕魚痕

再先在前深原家

那須石上掃苔花真本蘭亭未足誇持比平山
醉翁帖竹西應唱浪淘沙

時以此再寄揚州饒石

再和覃溪

快雪摹鐫戲鴻鐫生香終遜樹頭花崇寧焚燬

宣和購孔壁偷藏過幾家

得庾安西豈暮年家雞野鷲定誰賢
深原物墮韋溪手也算長安鏡再圓

史篋珍如玉在岡項厨收比雁隨
陽先生若遇邢和璞應悟前生墨麝香

題施生

晉詩本并東黃生

景仁

珠旒龍袞映霓旌如見鸞駘出五城
響接金華春殿語氣涵仙掌露盤清
鈞韶定許凌雲奏葭琯旋聽應候鳴
誰與郎君啓東閣冷吟閒醉獨

關情

碁燈雪屋暫淹留相倚真同李郭舟才圖士多
嗟不遇情深人每善言愁江東年少雙行笈燕
市天寒一敝裘史館餐錢書局紙因貪聯復与
沉浮

題秋樹茆亭圖

有序

此秋樹茆亭圖乃吾同年友吳君槐峯絕筆也
君官法曹曾視學三晉典試黔陽歸吳興安
居田里且數載今六十三矣自念精力猶壯不
敢自逸復赴官十月八日抵都下鵬翔瘴霧
項子故不知馳二紙乞君畫君重然諾忍痛寫

枯木竹石成召予僊榻前曰此幅已完可持慰
主人俟次幅脫稿同書款予乃急趨視君神
彩炯々惟強項不能轉掉疽方傳藥捫之
若熾坐談歷勞者久之而別數日遺問二十七日
再庶之則小除前一日逝矣慟哭之餘從者出
此幅見還展玩再三老泪霑濡裝而識之以
志亡友之信焉君諱巖湖州人辛酉舉人丁
丑進士丙子冬与予訂交家文恪賜第中
把茆遮滿樹中簷近渚遙峰尚未添我皇過橋
杖藜叟懷人不見泪痕霑

上堂黔陽兩持節胸中邱壑倍崢嶸病窗寫向
寒爐畔猶有烟雲指上生

道場白雀我曾游處、風光較此幽他日并山尋
故友墓門喬木不勝秋

今人然諾棄如土想見揮毫忍痛心留与兒孫思
老輩半壺殘墨比南金

為家仲和題令祖湘帆先生第三照

壬寅乙巳兩成圖甲午文孫手再摹五十二年過
荏冉去來今相漸模糊歿留高致騎船屋生拜
清銜乞鑑湖萬點曹休思祖泪一回開看一

啼鳴

和答王菊莊却寄韻

飄零分利鈍，徃復判行藏。我出慙先達，君歸失故鄉。
思緣離合苦，愁漫淺深量。昔守丁辛屋，頻過戊子坊。
擘牋如裂竹，點筆欲穿楊。各有雕龍技，俱登射鹿塲。
眼空燕市俠，頭沒酒人觴。浩浩收元氣，輝輝出夜光。
繁聲吹入破，法曲演連廂。待曳星辰履，難拋薜荔裳。
敢云詞賦賤，未許姓名彰。志早輕嚴武，心尤鄙孟嘗。
功名防苟得，身世遂相忘。莫報君恩厚，私祈母命長。
手栽延壽菊，花擁授經堂。痛哭衣如雪，因循髻有霜。

霜翻群猿鶴去又逐鷺鷥翔步蹇難為捷眉低豈
便揚長安孤館閉老友尺書將感舊情何篤懷人
意最傷終童問父執驥子念兒行往事駸駸過新
歡燕燕思乘孝廉舫來襲令君香預送彈冠喜
將迴黍陽

題陸文裕公自書玉舜詩卷子為公孫耳山學士

作

木槿猶生劉瑾死水中見蟹耳切齒長言不足嗟歎之
風人比興多如此抑之為小人揚之為君子品迭珍同騷
外梅生繁賤比籬邊枳可憐玉舜自榮枯不識詩前

意何指此卷吟寫嘉靖初公爲司業猶里居朝廷紛
紛議大禮秦隴岌岌籌軍儲公方對元託歌詠竊
比貞士羣樵漁定形正色亦何有情隨事感物勢殊
吁嗟此語極傷悼自分沉寂隨三閭豈知他日位通顯
數歷中外英華舒嗟哉徐楨卿是爲朝菌生如公
老壽挺松栢研綃帽上無危傾史稱公書並邕頻晉法
淵源淳化譜山堂枯樹倘重花老筆翩反同嬾嫵

除夕和朱琯生韻

窮愁漫逐歲華終家室經年類轉蓬白髮趨朝
人已老黃年祀竈語難通糟糠婦是平生友共乳兒

憐第六雄一縷藥烟妻子病今宵翻放酒盃空
鼓瑟幾聞奏曲終半生蕉萃詠飛蓬典裏金賤
慙平仲賃屋錢虧累伯通谿谷因時成牝牡禽魚
托命各雌雄玉堂風味猶如是還念鄉園未甕空

補遺

盧太守琴城課士圖

繞身寒士發懽顏
寫出當時玉筍班
仙吏從來盛文雅
不將塵鞅換名山

雍容車騎宋無聲
給札頭廳廣席橫
靜掩紗幮下魚鑰
使君真是鄭康成

從容簿領作經師
守郡都如宰邑時
三傳何曾度高閣
箇中書味解人知

暫借書^堂作鯉庭
爲他逢掖說遺經
十年種樹成嘉蔭
此是春風問字亭

送客詩

江流一綫接岷峨下峽今為上峽身請看送君南浦上
倦游多少未歸人

都厭西江水太清底須竹馬再相迎思親感遇千行淚
莫聽哀猿第四聲

滕王閣子枕江隅下有歸櫓集孝烏來歲毛生重捧楸
丹青還寫出山圖

春雲一朵翠千尋信有神仙窟宅深可惜名山陳伯玉
長安市上碎胡琴

卧游煩寫故鄉山吏局勞心夢往還今日身輕遂歸鳥

麻衣重許一躋攀

山骨玲瓏氣象尊峯，皆是蜀雲根。老僧煨芋能相待，
招隱烟霞且莫論。

陶蘭夫歸去來館圖

仕宦慕田園易也本如是當時銷夏心，乃欲還鄉里。既非懸
車年，誰肯畫而止。一麾守大邦，盡瘁脩焉死。政教傳中州，
奄有桐鄉祀。宋馬老山邱，寧以彼易此。君家紫雲翁，古
今絕倫比。高風渺難追，述德斯可已。

救忠記題詞

翻將定論譜箏琶，滿洗前賢白壁瑕。領取詞人忠厚意，

新篇不是碧雲駸

絳帳談經本大儒
失身難雪後人誣
煩君改定漁家樂
另寫扶風女樂圖

殺人行劫有家風
曲筆平反恕乃翁
合向鈴山讀書處
讓他兒子作三公

燈火虛堂讀倦時
尚餘事撰新詞
殺身報國心無憾
恩怨誰何從未知

寄葦山舊游

六年燈火結清緣
子別書堂又六年
為問當時新
雍容幾人頭白六經前

夾路離樽開祖帳成河別泪洒駟駒無因更乞丹
青手補寫蓬萊駟下圖

十月七日為芸楮司空公撰為文木翰林避客子家

適碧溪國子北來相與談燕竟日作詩紀事即以送

行

先我兩自生共月長君六歲愧齊年縷衣挂壁猶相慰霜
鬢居廬只自憐失母羣魚同飲泣還朝祖妣獨揮鞭八
駟停處辭公宴常執心喪避管絃

九華壺中地寂幽行窩翫爾借芳洲衣添半臂煩多麗湖
長新波照莫愁眷屬分明入圖畫程期未許說勾留江城

舊雨凋零盡還忍樽前別子由

今弟石芝檢討

崇祠加秩表忠貞白髮沉江痛結兄

安廬司馬

瘞齒埋衣魂魄苦

題碑銜土友恭情本生貤贈由來重嘉禮焚黃以次成孝弟
油然觀感及共欽朝命備哀榮

雲霄地望最清嚴倬直從容列具瞻承旨位同泰政職司
空仍帶秩宗銜南齊禮數文章重中秘圖書著述兼獻
納論思近臣事更期經濟及閭閻

筍興私御避喧來野外行廚竹裡開卜晝宜沽長夜酒巡簷
怡放小春梅瓣香高第前稱壽國子先生笑舉盃猶是
故人文宇飲勝他冠蓋效趨陪

傳尊敬述主恩深利見俱懷盡瘁心報國文章談不易
許身稷契事難任垂翎凍雀初營壘已秃枯豪怕上簪小
築兔裘高出處可容衰病老山林

吳公子觀海圖

夫君盛年齒曉日挂扶桑想到神山上來遊碧海看采
芝堪作解鞭石漫成梁會有安期子相携万里翔
漢上觀濤客清豪政有餘言尋孔巢父疑是木元虛一
笑指黃鶴何人射大魚東漢自空洞豈必空樓居

朱天門家慶圖

東序端居日深衣宴坐時心游三古學手校六經碑香瓣

先儒授薪傳弟子師庭前書帶州蘭蕙共藏莖
白鷺洲前水心同跡共清鬚眉微道力花木教詩名壽
鶴僧人老雛皇應瑞鳴何時共春酌樽酒論文傾

琴僧小影

出定端居據槁梧十三星照指輪珠就中著画東坡
叟還為琴聰寫蜜殊

趙州茶熟柏垂陰瘦玉中含梵唱深猛士雄風兒女語
衣來誰為穎師吟

題西園詩本

卷內春雲許細尋傳家大雅見遺音他年出岫行膏

兩始信高樓養寂深

孝廉船上美琪儀
畫壁詩多信手揮
唱第聲中看風
度五般雲彩護朝衣

諸兄文筆各堂堂
倚馬才高讓季方
大手令教隨沈
宋清裁豈但歷齊梁

臨川去思圖送朱荊園大令歸益都

卧轍心同立雪心
此情堪向畫中尋
成河別渭文流如
吉水臨川一樣深

金桃園邊暖律吹
春雲未覆記年時
橫經負耒登堂
詎何易于耶元紫芝

百里絃歌息訟聲，官人真似鄭康成。
訟庭料綠民安枕，階下時來魯兩生。

朝為慈母暮經師，禮教雍、喬俗移。
手抱六經為治譜，憐他才吏未能知。

文糧歸去哭聲多，底事今年笑語和。
歎說官飢民自飽，本來循吏拙催科。

四世歡承鶴髮翁，使君魂斷菜烟中。
麻衣如雪傾城慟，萬手扶棺失怙同。

去思聊復寫薰蕕，秋水中間一縣花。
恠得高臺凝峴淚，痕碑上字款斜。

滕王閣

欄外大江來。山圍極浦開。閣後前代有。詩見古人才。雲
物成今古。帆樯自往來。猶存歌舞地。不付劫時灰。

哭聶三阿瑤

九歲能學鳳皇衣。又是十年將留仙。臺湯迴蕭史。
磨鏡人真愧。隱娘柳絮半闌思。蛺蝶蓮華千朵蕊。鴛
鴦三生夙業人。天恨墓碣虛題父執行。

題朱思堂都轉畫如意

搖松握玉尚清譚。應讓英雄起舞酣。想見要離唾壺碎。魚腸
不漬土花含。

張翥春製趙家藏古鉄猶露面上霜難覓當時君子器不
如人意費忝詳

何必仙人把竹根畏途相衛壯心存知君指點河山勢劃破
靈無太極痕

德定園中丞保攝漕督篆六十双壽

紫氣慈雲罨斗壇特開制府掌軍儲陳瑄且駐淮陰節
常袞猶停閩越車轉粟原資蕭相策通渠端借史公
書辦香却下南豐拜真覺淵懷竹共靈

共推劉晏佐司農不改汾陽壁壘封豈但韋堅開水利共
推劉晏作司農八州風正帆俱穩千里波恬酒並醲願乞

王喬丹鼎獻祝公身似鉢池峯

二蘇文筆列鵷行兩宋風流照玉堂簪上豪分宮扇彩袖
中詩染御爐香仙官地望層、歷鄉月清華面、光還
借詞源三峽水散為霖雨潤甘棠

衡鑑斯文二十年夫人玉尺助陶甄先生門榜題通德弟子
冠名列進賢手掣鵬鵬程九萬春移旆李樹三千東都祖
帳中丞出万手杯闌八寶鞭

仙人品度佛心慈八座双瞻滿月儀子產與歌天下母宣文經
慢女中師和風力厚春暈轉泰谷寒銷暖律吹豔但災方資
長養至今遺愛動蕃夷

扶持風教植人倫妙墨紗籠石榻新清德世傳儒老宿陰功
爭看石麒麟平生同志神仙耦八座齊年壽考身佇看調元
頌偕老安輿双賜四蒲輪

錢觀察鶴石圖

岌業一丈人襪襪兩君子以公叅其間清介故如此公昔佐中樞
利苦門如水詩肩聳山骨清暖癯仙似紫車每過汶遙翮
藏萬里一麾典劇郡老手絕倫比長身皓以潔一柱中流
砥再還掌雄閣筦鑰俱文理無田供鶴糧有石礪牙齒退
食冰壺中題榜標微旨表直影斯正僚屬循車軌今茲借平反
華薄興廉恥微雲掩河漢暫晦光原泐平生祿養心欣戚恬然

耳騎鶴朝天門身如玉山峙知卿恒德貞節鉞當仍伴鶴書
橫空未肯令閒居始重開燕寢圖子舍共之徒能言心默頭对
舞胎仙起爭唱鶴南飛一送慈顏喜

吳齋堂觀察舊照

金粟如來滿月容偶來塵世領提封冰壺不是人間署霧閣雲
階第一重

蟾香舒蕊玉生芽點綴商瞿積善家他日床堆五枝笏帽簪交
魁十宮花

廿載滄海寫御屏香飄雲外葉長青秋來坐繞文章樹還與諸
郎授九經

詞也清平誰則以之坡公

寶駿馬風雷馳驟凌虛

殿上變龍雲中鄰天宰

詞公其健以淋漓大筆

天一意如悔任南北東西盡

山吹笛市時俯仰扁舟載酒

連萬類休休寸表垣陽一徑暮氣大放

癡饒系樂托雄蕊高唱錦板銅鼓

沁園春 會務沈廟題

画劍青霄響益坑。星離聲幾回。悲喜俱集。威氣苦
難平。恥學帷雲。曾水抹殺曉風。騎月一喝。大江橫
舊事。畫亭壁。落托十年情。浮吳楚。歷海岱。劉
出并。淺斟。低唱。珠玑。值得。換浮名。北吃紅綾。錦
被。也。幸。紫薇花。始也。記宿。正。清脩。史不

叶山。堪。驕。馬。六。街。兩。待。漏。五。更。秋。劉。憐。天
逐。眠。鷗。六。代。江。山。如。畫。萬。里。煙。波。無。恙。江

丈。軟。紅。裏。白。了。衆。人。頭。局。中。棋。心。上。一。得。前

行。果。紅。日。那。常。留。花。下。板。輿。奉。母。月。下。銀。第。五

水調歌頭二闕
後得高意如述

滿江紅

渡黃河



混：黃流秋九月狂瀾初落背夕照揚於東去扁舟如雀
千尺射波浮日彩一溝洪水圍天脚破烟雲兩朵北印
山青如昨
櫓聲軋潛蛟愕帆影側
點轉躍笑當年
割據今朝城郭數折源通星宿遠一
水繞崑崙

崙弱犯英雄事業向前朝消河雒

念奴嬌

泊黃州二初度

落帆江口。是太行歸客。懸弧之日。逝水華年驚廿載。兩字功名難必。白眼談詩。黃衫說劍。已是飄零極。人生如夢。冠一。身如此堪惜。且向橋上觀。渾磯頭。鮑。鮑。我登臨。披。披。泥。金題。畫。扇。點。染。江。山。陳。跡。斗。起。誰。炊。雞。香。自。剪。醉。酒。坡。公。席。黃。花。落。矣。英。英。薜。盡。醉。今。夕。

滿江紅 赤壁

鑿翠深丹。便全楚山川襟帶。是。一。不。工。鬼。斧。劈。崩。壘。界。磯。下。白。龜。橫。斷。岸。樓。中。黃。鶴。飛。天。外。刺。文。

章。雙。照。大。江。流。垂。金。雞。一。斗。酒。猶。堪。載。三。分。事。猶。堪。
話。甚。英。雄。豈。子。侯。烏。成。敗。歌。舞。二。喬。誰。得。有。舳。舻。
千。里。今。安。在。便。江。風。山。月。尚。如。前。都。無。奈。

醉江月 望廬山

推。蓬。一。笑。喜。十。年。重。見。廬。山。面。目。問。訊。匡。君。無。恙。否。五。老。
鬢。霜。如。風。日。照。香。爐。雲。生。鶴。觀。雪。挂。王。石。銀。河。倒。捲。
青。天。乳。酒。飛。瀑。我。欲。左。拍。徐。瀨。右。携。李。渤。共。跨。先。生。
鹿。小。載。玉。潤。潭。上。酒。料。理。百。錢。青。竹。掉。頭。一。問。山。靈。可。
有。緣。不。
夢。中。曾。到。向。東。林。結。社。西。林。挂。笏。大。石。橋。邊。呼。慧。遠。

不。畏。虎。聲。騰。谷。鹿。洞。芝。肥。麝。囊。花。紫。醉。倚。芙。蓉。簇。白。
雲。留。我。蓮。花。峰。下。同。宿。醒。後。遊。跡。俱。非。衣。鴉。馬。狗。仍。
逐。窮。途。哭。十。載。天。涯。幾。個。屐。踏。遍。太。行。千。曲。投。竿。歸。來。
布。帆。無。恙。穩。泛。潯。江。綠。青。山。相。對。形。容。倦。宴。坐。
如。僕。